

摘藻堂四庫全書薈要

集部

欽定四庫全書薈要卷一萬三千八百十五

集部

五百家註昌黎文集卷三十一 宋 魏仲舉 編

碑

南海神廟碑

集注此碑有石刻其首云使持節袁州諸軍事守袁州刺史韓愈撰使持節循州諸軍事守循州刺史陳諫書并篆額其後云元和十五年十月一日建歐陽公云昌黎集類多訛舛惟南海碑不舛者以刻石人家多有故也石刻與刊本異者今注於下補注蘓內翰嘗移書楊康公使遷廟文登因古廟而新之楊不從故蘓詩云退之仙人也游戲於斯文笑

談出奇偉鼓舞南海神  
。趙本作南海東廟碑

海於天地間為物最鉅自三代聖王莫不祀事考於傳  
記而南海神次最貴在北東西三神河伯之上號為祝

融樊曰按太公伏符陰謀曰武王伐紂都洛邑天大陰  
寒雨雪十餘日甲子朝五車騎山王門之外欲謁武

王武王曰諸神各有名乎師尚父曰南海神名祝融北  
海名元冥東海名勾芒西海名蓐收河伯名馮脩使謁  
者各以名召之神皆警而見武王曰何以教之神曰天  
伐商立周謹來受命各奉其使武王曰予歲時亦無廢  
禮焉洪曰世人或謂退之因祝融為  
火正遂以為南海神不知有所據也天寶中天子以為

古爵莫貴於公侯故海岳之祝犧幣之數放而依之所

以致崇極於大神今王亦爵也而禮海岳尚循公侯之

事虛王儀而不用非致崇極之意也由是冊尊南海為

廣利王

孫曰天寶十載正月封東海廣德王南海廣利王西海廣潤王北海廣澤王冊詔也

祝號

祭式與次俱升

孫曰武德貞觀之制四海年別一祭各以五郊迎氣日祭之祀官以當界都督

刺史充至是封王分命卿監十三人取三月十七日一時備禮兼冊祭其祭儀具開元禮

因其故廟

易而新之在今廣州治之東南海道八十里扶胥之口黃

木之灣

祝曰扶胥黃木地名

常以立夏氣至命廣州刺史行事祠

下事訖驛聞而刺史常節度五嶺諸軍仍觀察其郡邑

孫曰唐制嶺南為五府而於南方事無所不統地大以嶺南節度使觀察四府事

遠作以一故常選用重人既貴而富且不習海事又當祀

時祀一作祝海常多大風將往皆憂戚既進觀顧怖悸故常

以疾為辭石本作解而委事於其副其來已久故明宮齋廬

上雨旁風無所蓋障牲酒瘠酸一作牲瘠酒酸取具臨時水陸

之品狼籍籩豆薦裸興俯補注裸灌也以酒灌於地謂之灌不中儀式

吏滋不恭神不顧享盲風怪雨祝曰盲疾也月令盲風至發作無節

人蒙其害元和十二年始詔用前尚書右丞國子祭酒

魯國孔公爲廣州刺史兼御史大夫以殿南服孫曰天寶十二

載七月以孔幾爲嶺南節度使殿定也詩殿天子之邦

樊曰按幾傳先是准詔禱南海神多令從事代祠幾每

受詔自犯風波而往韓愈在潮州作詩以

美之傳所謂詩豈公此作耶。殿丁練切公正直方嚴

中心樂易祇慎所職治人以明事神以誠內外單盡祝曰

單亦盡也。不爲表褻孫曰表褻衣領也。至州之明年

詩單厥心。褻蒲報切又音博。

將夏補注謂將立夏祝冊自京師至孫曰冊謂祝板書王命作冊逸祝冊祝冊者祝讀此

冊吏以時告公乃齋祓視冊祝曰齋祓謂齋潔。祓甫勿切誓羣有司

曰冊有皇帝名乃上所自署一作乃上著署具其文曰具一作且嗣

天子某謹遣某官某敬祭

樊曰唐制岳瀆以上祝版御署附中使送往

其恭

且嚴如是敢有不承明日吾將宿廟下以供晨事

補注祀

事也質明行禮故曰晨事

明日吏以風雨白不聽於是州府文武吏

士凡百數交謁更諫

更作平聲

皆揖而退

孫曰謂揖而退之不從其言

公

遂陞舟風雨少弛懼夫奏功

補注懼夫舟人奏功效力也

雲陰解駁

日光穿漏波伏不興省牲之夕

孫曰謂祭之前一日省牲視滌濯也

載賜

載陰將事之夜天地開除月星明

祝曰概稠也喻益期踐云其節以竹

而概孫曰概略也謂略見也。概音既

五鼓既作牽牛正中

祝曰牽牛星名一名河鼓

月令季春之月旦牽牛中 公乃盛服執笏以入即事文武賓屬俯首

聽位各執其職牲肥酒香樽爵淨潔降登有數神具醉

飽。祝曰詩神具醉止海之百靈祕怪恍惚畢出蜿蜿蜒

蜒。祝曰龍貌也選狀蜿蜿以蜃蜃史記騶赤螭青蚪之

而碑云蜿蜿蛇蛇小異當以來享飲食享一作慕闔廟旋廬

祝曰舳舻也前漢舳舻千里孫曰謂祭畢而歸舳舻舟後持船處。廬音盧祥颺送颺韓曰謂

船進也。颺畢遙切旗纛旄麾音飛揚掩謁祝曰掩

謁木繁茂也選芳風掩鏡鼓嘲轟孫曰鏡似鈴而無舌謁有柄周禮以金鏡止



鼓是也。鏡尼交切

高管噉譟

舊注噉吼也譟羣呼煩擾也噉吉弔切譟桑到切

武夫奮

棹工師唱和穹龜長魚踊躍後先乾端坤倪

孫曰謂天地開霽皆

見端倪

軒豁呈露祀之之歲風災熄滅人厭魚蟹五穀胥

熟明年祀歸又廣廟宮而大之治其庭壇改作東西兩

序齋庖之房百用具脩明年其時公又固往不懈益虔

歲仍大和耄艾歌詠始公之至盡除他名之稅

孫曰初時蕃舶

之至泊岸有下碇之稅始至有閱貨之宴犀珠錯落賄及僕隸幾皆罷之

罷衣食於官之可

去者四方之使不以資交以身為帥燕享有時賞與以

節以一作有公藏私蓄上下與足於是免屬州負逋之緡錢

十有八萬

韓曰境內負錢至二百萬錢悉放不收。石本作二十有四萬

米八萬二千

斛

石本作八字作三

賦金之州耗金一歲八百困不能償皆以正

之

石本作丐之

加四面守長之俸

石本作四面作西南

誅其尤無良不

聽令者由是皆自重慎法人士之落南不能歸者與流

徙之胄百二十八族用其才良而廩其無告者其女子

可嫁者與之錢財令無失時

一作所

刑德並流方地數千

里不識盜賊山行海宿不擇處所事神治人

一有

可謂

備至矣

石本作至耳矣

咸願刻廟石以著厥美而繫以詩乃作

詩曰

南海之墟

一作陰

祝融之宅即祀于旁帝命南伯

孫曰謂南方邦

伯也吏情不躬正自今公明用享錫祐我家邦

石本作右

惟

明天子惟慎厥使我公在官神人致喜海嶺之陬既足  
既濡胡不均弘俾執事樞公行勿遲公無遽歸匪我私  
公神人具依

處州孔子廟碑

韓曰碑記不載年月日第云朝散大夫國子祭酒賜紫金魚袋韓愈撰公為祭酒在元和

十五年

自天子至郡邑守長通得祀

補注通皆也

而遍天下者唯社

稷與孔子焉然而社祭土稷祭穀勾龍與棄乃其佐享

非其專主

祝曰禮記厲山氏子曰農能殖百穀夏之衰也周棄繼之故祀以為稷共工氏子曰后土能

平九州故祀以為社

又其位所不屋而壇

孫曰禮記天子大社必受霜露風雨以達天地

之氣喪國之社屋之是不屋而壇也

豈如孔子用王者事

一作禮

巍然當座

以門人為配

洪曰杜牧云稱夫子之尊莫如韓吏部蓋公作此碑云社稷不屋而壇孔子用王者

事巍然當座以門人為配也張文潛曰廟貌之設起於後世如祭天地亦不屋而壇耳孫曰開元二十七年八月追謚孔子文宣王南面而坐以顏子配享自天子而下北面拜跪薦祭進

退誠敬禮如親弟子者句龍棄以功孔子以德固自有

次第哉自古多有以功德得其位者德一作績不得常祀句

龍棄孔子皆不得位而得常祀然其祀事皆無如孔子

之盛所謂生民已來民一作人未有如夫子者其賢過於堯

舜遠者此其效與補注邵太史曰歐陽公平生尊用韓退之於其學無少異然退之處州孔

子廟碑云云永叔作穀城縣夫子廟記乃云后之人徒見官為立祠而州縣莫不祭之夫子之尊由此為盛甚

者乃謂生雖不得位而沒有所享以為夫子榮謂有德之報雖堯舜莫若何其謬論者歟是歐陽以退之為謬矣雖然韓與歐其尊夫子之心則一也嚴曰孟子之文杜牧之云自古稱夫子者多矣稱夫子之德莫如孟子稱夫子之尊莫如韓吏部郡邑皆有孔子廟或不能修事雖設博士

弟子或役於有司名存實亡失其所業獨處州刺史鄴

侯李繁至官

補注繁鄴侯泌之子。鄴音業

能以為先既新作孔子廟

又命工

命一作令

改為顏回至子夏十人像

補注改謂新之

其餘六

十二子

孫曰孔子弟子受業身通者七十七人今為顏子等十人像則其餘當有六十七人今云六十

二子未詳

及後大儒公羊高左丘明孟軻荀況伏生毛公韓

生董生高堂生楊雄鄭玄等數十人

孫曰貞觀二十一年詔左丘明公羊

高毛萇鄭玄伏勝高唐生等二十二人春秋行釋奠之禮而無孟軻荀況韓生董生楊雄等伏生即伏勝毛公即毛萇韓生名嬰董生名仲舒皆圖之壁選博士弟子

必皆其人設講堂

一作又為置講堂

教之行禮肄習其中又為

置本錢廩米令可繼處以守廟成躬率吏及博士弟子

入學行釋奠禮

奠一作菜歐陽公曰釋奠釋菜祭之畧者也古者士之見師以菜為摯故始入

學者必釋菜以禮其先師其學官四時之祭乃皆釋菜釋奠有樂無尸而釋菜無樂則又其畧也故其禮亡焉而今釋奠幸存然亦無樂又不編舉於四時獨春秋行事而已耆老嘆嗟其子弟皆興

於學鄴侯尚文其於古記無不貫達故其為政知所先後可歌也已乃作詩曰

惟此廟學鄴侯所作厥初庠下

庠音卑又音婢

神不以宇先師

所處

石本先作生

亦窘寒暑乃新斯宮神降其獻講讀有常

不誠用勸揭揭元哲

舊注曰揭高舉也。揭居謁切又音桀又音羯

有師之尊

羣聖嚴嚴大法以存像圖孔肖

補注孔肖甚似也

咸在斯堂以

瞻以儀俾不或忘後之君子無廢成美琢詞碑石以贊

攸始



孔子廟碑陰

杜牧

天不生夫子於中國中國當何如曰不夷狄如也荀  
卿祖夫子李斯事荀一日宰天下盡誘夫子之徒與  
書坑而焚之曰徒能亂人不若刑名獄吏治世之賢  
也彼商鞅者能耕能戰能行其法基秦為強曰彼仁  
義虱官也可以置之

補注置之  
言不用也

自董仲舒劉向皆言

司馬遷良史也而遷以儒分之為九曰博而寡要勞  
而無功不如道家者流也自有天地以來人無有不

死者海上迂怪之士特出言曰黃帝鍊丹砂為黃金以餌之晝日乘龍上天誠得其藥可如黃帝以燕昭王之賢破強齊幾於霸秦始皇漢武帝之雄材滅六國闢四夷蓋非凡主也皆甘其說耗天下捐骨肉而不辭至死而不悟莫尊於天地莫嚴於宗廟社稷梁武帝起為梁國者以筍脯麵牲為薦祀之禮曰佛之教牲不可殺以天子之尊捨身為其奴散髮布地親命其徒踐之有天地日月為之主陰陽鬼神為之佐

夫子巍然統而辨之復引堯舜禹湯文武周公為之  
助則其徒不為劣其治不為僻彼四君二臣不為無  
知一旦不信背而之他仍族滅之儻不生夫子紛紜  
冥昧百家鬪起是已所是非已所非天子隨其時而  
宗之誰敢非之縱有非之者欲何所依据而為其辭  
是楊墨駢慎已降百家之徒廟貌而血食十年一變  
法百年一改教橫斜高下不知止泊彼夷狄者為夷  
狄之俗一定而不易若不生夫子是其必不夷狄如

也韓吏部夫子廟碑曰天下通祀唯社稷與夫子社  
稷壇而不屋取異代為配未若夫子巍然當座用王  
者禮以門人為配自天子至于庶人親北面而師之  
夫子以德社稷以功功德固有次第因引孟子自生  
民以來未有如夫子者也自古稱夫子者多矣稱夫  
子之德莫如孟子稱夫子之尊莫如韓吏部故書其  
碑陰云

柳州羅池廟碑

韓曰羅池神子厚也其碑石本首云尚書吏部侍郎賜紫金魚袋韓愈撰中書舍人史館修撰賜紫金魚袋沈傳師書其後云朝議郎桂管觀察使試太常寺協律郎上柱國陳曾篆額長慶元年正月十一日桂管都防禦先鋒兵馬使朝散大夫試左衛長史孫季雄建立補注歐陽集古注云羅池碑後題云長慶元年正月建按穆宗實錄長慶二年二月傳師為中書舍人史館修撰九月愈遷吏部時愈未為吏部沈亦未為舍人當是長慶二年則二君官正與此碑同其書元年正月蓋傳模者誤樊曰按舊史公傳云南人妄以柳宗元為羅池神而愈撰碑以實之蓋以是罪公而新史書其事於子厚傳無所裒貶元祐七年六月詔賜唐柳州刺史羅池神廟為靈文之廟以郡人言其雨暘應祈故也田表聖書

其碑陰云柳子厚終于柳州以精多魄強為羅池之神昌黎韓退之叙其事而銘之碑矣大意謂子厚宏深之量昭明之識當為星辰為嶽瀆胡為在柳州之陋為神其所以推尊甚大蘓內翰記潮州廟云在天為星辰在地為河岳幽則為鬼神明則復為人其斯之謂歟石敏若曰世以公此文為語怪非也士有抱負不克施遭流落以死為明神烈鬼巍巍廟食理也李衛公竄海上死矣其精魄凜然尚能使犬鼠餘黨破膽於夢中不然退之豈矯誣柳州以求異乎晁氏曰此非銘羅池神之文弔宗元之文也邵氏曰楚辭文章屈原一人耳宋玉尚不得其髣髴惟退之羅池碑可方駕以出朱廷玉評云予讀韓文柳州廟碑釋然有得於用意至微之處春秋之稱微而顯志而晦婉而成章公於此文獨言柳人

祭神而不及子厚之出處言柳民詠歌仁政敬如父母尊為鬼神雍容紆徐而刺譏詆訶之文不形于一辭而言外之意推之而不可窮非深得於春秋曷至是或以招海賈為過之亦率爾哉說

詳列於正文下

羅池廟者故刺史柳侯廟也柳侯為州

韓曰元和十年三月以永州司

馬柳宗元為柳州刺史

不鄙夷其民

祝曰謂不鄙之以為夷動以柳州古百粵之地故云

禮法三年民各自矜奮曰

石本無曰字

茲土雖遠京師吾等

亦天氓今天幸惠仁侯若不化服我則非人於是老少相教語莫違侯令凡有所為於其鄉閭及於其家皆曰

吾侯聞之得無不可於意否莫不忖度而後從事凡令

之期民勸趨之無有後先必以其時於是民業有經

經常

也公無負租流逋四歸樂生興事宅有新屋步有新船

集注步刊本改作涉非任昉述異記云水際謂之步吳人賣瓜於江畔因名瓜步吳江中有魚步龜步湘中有靈妃步吳楚間謂浦為步語訛耳吳處厚青湘雜記云韓退之羅池廟碑言步有新船蓋嶺南謂水津為步故冒步即漁者施罾處船步即衆人渡船處揚州瓜步洪州觀步閩中謂水涯為溪步子厚永州鐵爐步志云江之滸凡舟可廢池園潔修猪牛鷄鴨

石本牛作羊

肥大蕃息

子嚴父詔婦順夫指嫁娶葬送各有條法出相第長入



相慈孝先時民貧以男女相質久不得贖盡沒為隸我

侯之至案國之故

石本作之經故

以傭除本悉奪歸之

孫曰柳州之俗

以男女質錢約不時贖子本相侔則沒為奴婢宗元為設方計悉令贖歸其尤貧力不能者令書其傭足相當則使歸其質觀察使下其法於它州比一歲免而歸者且千人傭賃直也大修孔子廟孫曰宗元

至之歲文宣王廟壞宗元取初終

城郭道巷

石本作

皆

治使端正樹以名木柳民既皆悅喜常與其部將

石本常作

嘗魏忠謝寧歐陽翼飲酒驛亭謂曰吾棄於時而寄於

此與若等好也明年吾將死死而為神後三年為廟祀

我及期而死

補注元和十四年十月宗元卒

三年孟秋辛卯

補注長慶三年七月

辛卯侯降于州之後堂歐陽翼等見而拜之其夕夢翼而

告曰館我於羅池其月景辰廟成大祭過客李儀醉酒

慢侮堂上得疾扶出廟門即死明年春魏忠歐陽翼使

謝寧來京師請書其事于石余謂柳侯生能澤其民死

能驚動禍福之以食其土可謂靈也已作迎享送神詩

以遺柳民俾歌以祀焉而并刻之

孫曰宗元既沒柳人懷之託言降于州之

堂有慢者輒死廟于羅池公因碑以實之柳侯河東人諱宗元字子厚賢而

有文章嘗位於朝光顯矣已而擯不用其辭曰

荔子丹兮蕉黃

孫曰蕉芭蕉也味如蒲萄子長數寸。一作蕉葉黃一作蕉子黃

雜肴

蔬兮進侯堂

朱廷玉曰此一對言旨味不同名物異品羅列而進以觀一時之嗜好亦如爵祿名

位險易多塗可以驗人決擇去取也

侯之船兮兩旗度中流兮風泊之待

侯不來兮不知我悲

朱廷玉曰湖湘土人云柳人迎神其俗以一船兩旗置木馬偶人於

舟作樂而導之登岸而趨於廟然後知公之託意創辭其旨深矣公意若曰兩旗飄飄初無一定而船在中流為回風所泊進止蕩漾靡所底戾我止于岸待之不來雖欲共載而俱不可得已此我心之悲而侯莫之知也

侯乘駒兮入廟慰我民兮不嘖以笑

朱廷玉曰乘駒木為柳車也公意曰

馬少為駒異於壯老言侯少年仕而蚤達入廟者進而  
在朝為天子廷臣也此與秦繆公始用孟明同意君子  
見用於世必老而更事以天下為憂而子厚未更事憂  
樂仕進之榮而不知禹稷之心以生人饑溺為憂是以  
不知憂額而不頻以笑也  
鵝之山兮柳之水孫曰鵝字疑當作我  
。頻一作顰笑一作笑

按子厚柳州山水記云我山在野中無麓我水出焉東流入于潯水

桂樹團團兮白石齒

齒侯朝出遊兮暮來歸春與猿吟兮秋鶴與飛

朱廷玉曰桂樹

團團木茂也白石齒齒石險也木茂翳空則絕昭回之  
先石險齧足則蹈危途之畏春猿秋鶴則非同類之匹  
言侯朝出游於朝廷之上暮流落於幽險之鄉交非其  
類莫之與歸此與山鬼子處幽篁兮終不見天路險艱  
兮獨後來同意樊曰歐陽文忠云春與猿吟兮秋鶴與  
飛疑碑之誤於是沈氏存中筆誤云古人多用此格如

楚詞吉日兮辰良又蕙肴蒸兮蘭藉  
奠桂酒兮椒漿相錯成文則語健矣  
北方之人兮為侯

是非千秋萬歲兮侯無我違  
朱廷玉曰北方中國也楚越居南方則中國為北當

叔文執誼用事侯坐黨與南遷中朝黜陟南人無與焉  
而侯之在柳以惠愛見稱故欲其廟食此土世世奉祠  
者柳人之志也公意曰北方之是非則公議去取不可  
奪也嗟侯之生不得與我偕行其道卒厄窮裔千秋萬  
歲此道彌著質之鬼神猶不能違侯惡得而違之此禮  
所謂百世以俟聖人而不惑而孟子亦曰聖人復起不  
易吾言

福我兮壽我  
福上一有願字  
驅厲鬼兮山之左  
樊曰子厚龍城

錄羅池北役者得白石上有刻畫云龍城柳神所守  
驅厲鬼山左首福土氓制九醜補注厲鬼惡鬼也  
下

無苦濕兮高無乾  
秔稌充羨兮  
祝曰說文秔稻屬也前漢又有秔稻梨栗桑麻

竹箭之饒孫曰稌亦稻也沛國呼稻曰蛇蛟結蟠言稌

徐羨多貌。稌音庚稌徒古切又音土

蛇蛟也稌如我民報事兮無怠其始自今兮

舊本作如自今始兮一本

作始自今兮

欽于世世

朱廷玉曰此志柳侯見德邦人死而獲廟祀之報以足一篇之詞也

### 黃陵廟碑

曾子開曰湘水出全瀟水出道二水至永合而為一以入洞庭黃陵廟在瀟湘之尾洞庭之口孫曰廟在潭州之湘陰縣北八十里或云在岳州韓曰碑有石本首題云通議大夫守尚書兵部侍郎上柱國賜紫金魚袋韓愈撰正議大夫守潭州刺史兼御史中丞湖南都團練觀察安撫使上柱國賜紫金魚袋沈傳師書今本多誤據歐陽公集古錄云當以

碑為正今刊

于正文下

湘旁有廟曰黃陵

祝曰湘旁謂湘水之旁補注筆墨間錄云黃陵廟碑首言湘旁即龜策傳

言江旁老人也

自前古立以祠堯之二女舜二妃者庭有古碑

一無古字石本作石

斷裂分散在地其文剥缺考圖記言漢荊州

牧劉表景升之立

韓曰表字景升東漢末為荊州刺史。之字一本作所

題曰

一無

題字湘夫人碑今驗其文乃晉太康九年又其額曰

其下有

題字虞帝二妃之碑

帝一作舜

非景升立者秦博士對始皇帝

云湘君者堯之二女舜妃者也

孫曰事見史記秦始皇二十七年

劉向

鄭玄

石本玄作康成

亦皆以二妃為湘君

孫曰劉向列女傳云二妃死于江湘之間

俗謂之湘君

而離騷九歌既有湘君又有湘夫人王逸之解

以湘君者自其水神

其一作為

而謂湘夫人乃二妃也從舜

南征三苗不返

石本作及

道死沅湘之間

祝曰說文沅湘水出牂牁楚辭濟沅

湘以南征樊曰屈原九歌有湘君湘夫人二篇湘君篇云君不行兮夷猶蹇誰留兮中洲王逸注云湘君所在

左沅湘右大江包洞庭之波方數百里則逸以湘君為湘水之神矣湘夫人篇云帝子降兮北渚目眇眇兮愁

予逸注云堯二女娥皇女英隨舜不返沒於湘水之渚因為湘夫人。沅音元

山海經曰洞庭

之山

嚴曰即巴陵湖中君山也

帝之二女居之郭璞疑二女者

石本作璞作



樸 帝舜之后不當降小水為其夫人

補注歐陽集古錄云黃陵碑以家本

校之不同者二十餘事如家本言降小水為夫人而碑云降小君之類皆當以碑為正也

因以二女

為天帝之女

樊曰郭璞注云帝之二女處江為神即列仙傳江妃二女也禮五岳比三公四瀆比

諸侯今湘川不及四瀆無秩於命祀而二女帝舜之后配神祇無緣當復下降小水而為夫人也小水即謂湘

川以予考之璞與王逸俱失也堯之長女娥皇為舜正

妃故曰君其二女女英自宜降曰夫人也

孫曰列女傳云有虞氏二

妃者堯之二女長故九歌詞謂娥皇為君謂女英為帝

曰娥皇次曰女英子石本無各以其盛者推言之也禮有小君

石本有明君母字

其正自得稱君也

祝曰春秋葬我小君諸侯之夫人皆稱小君

書曰舜陟方

乃死傳謂舜升道南方以死

樊曰孔安國注云方道也舜即位五十年升道南方

巡狩死于蒼梧之野。石本

或又曰舜死葬蒼梧

嚴曰

升作昇一本傳作孔安國

蒼梧

即零陵之九疑山也

二妃從之不及溺死沅湘之間

一無死字

余謂竹

書紀年

孫曰紀年書名晉太康元年汲郡人發冢得之起夏殷至魏哀王二十年以竹簡寫之故謂之

竹書帝王之沒皆曰陟陟昇也謂昇天也書曰殷禮陟配

天補注尚書君薨之文言以道終其德協天也書紀舜之沒云陟

者與竹書周書同文也

補注周書即上所謂君薨篇

其下言方乃死

者所以釋陟為死也地之勢東南下如言舜南巡而死

宜言下方不得言陟方也

得一作當

以此謂舜死葬蒼梧

有一

之野

於時二妃從之不及而溺死者

石本無死字

皆不可信

二妃既曰以謀語舜脫舜之厄成舜之聖

程曰劉向列女傳云瞽瞍

使舜塗廩二妃曰往哉時惟其藏汝時其焚汝鵲汝衣  
裳鳥工往又使舜浚井二女曰往哉時亦惟其藏汝時  
其掩汝之往汝去汝衣裳龍工往鳥  
謂習飛鳥之巧龍謂知水泉脈理  
堯死而舜有天下

為天子二妃之力宜常為神

常一作當

食民之祭今之渡湘

江者

石本湘作湖

莫敢不進禮廟下

莫一作其

元和十四年春余

以言事得罪黜爲潮州刺史其地於漢南海之揭陽

祝曰

漢地理志南海郡有揭陽縣至

唐爲潮州。石本揭作揭音竭

厲毒所聚

祝曰厲鬼也左氏云其何

厲之有。又一本云南海之隅陽厲百毒所聚懼不得脫死過廟而禱之其冬

移袁州刺史

孫曰元和十五年十月以赦令量移袁州。石本移作爲

明年九月拜

國子祭酒

孫曰元和十五年九月自袁州召爲國子祭酒

使以私錢十萬抵岳

州願易廟之圯桶腐瓦

圯一作毀桶一作墉

於州刺史王堪

石本無州

字

長慶元年刺史張愉自京師往余與愉故善

石本無余字

謂曰丐我一碑石

丐一作與

載二妃廟事且令後世知有子

名愉曰諾既至州報曰碑謹具

謹一作已

遂篆其事

一云碑其迹謹

篆其事一云碑

其遂謹篆其事

俾刻之

此後舊有將修廟祭神文一首與二十三卷內祭湘夫人文同

故不復出

唐故江南西道觀察使中大夫洪州刺史兼御

史中丞上柱國賜紫金魚袋贈左散騎常侍太

原王公神道碑銘

韓曰王仲舒為連州司戶公令連之陽山仲舒觀察江西公為袁州刺史公既為作燕喜亭記修滕王閣記又誌其墓今又書碑新史並取公碑誌作傳。今本止云太原王公神

道碑  
銘

王氏皆王者之後

孫曰王氏凡二十  
一皆王者之後

在太原者為姬姓

孫曰周靈王太子

晉以直諫廢為庶人時人號曰王家因以為氏

春秋時王子成父敗

狄有功

補注文十一年左氏鄭肅伐齊王子成父獲其君曰桀如

因賜氏厥後世居

太原至東漢隱士烈

孫曰烈字彥方東漢有傳

博士徵不就居祁縣

孫曰後漢徵君霸始居太原霸子殷別居祁縣

因號所居鄉為君子鄉一無公鄉字

其君子鄉人也魏晉涉隋世有名人國朝大父玄暕

暕古限切音柬

歷御史屬三院

韓曰三院謂侍御史殿中侍御史監察御史

止尚書

郎

孫曰玄暉終比部員外郎

生景肅守三郡

韓曰最後為丹陽太守

終傳涼王

生政襄鄧等州防禦使鄂州採訪使贈吏部尚書公尚

書之弟某子公諱仲舒字弘中少孤奉母夫人家江南

讀書著文其譽藹鬱當時名公皆折官位輩行

下浪切願

為交貞元初射策拜左拾遺

樊曰貞元十年十二月仲舒中賢良方正直言極諫

科起拜拾遺

與陽城合

一有道字

過裴延齡不得為相德宗初快

快無奈久嘉之

樊曰是時陸贄為相上待之厚裴延齡短贄於上十二月贄罷為太子賓客

貞元十一年春旱延齡奏言贄失勢怨望四月贄貶忠州別駕且欲相延齡諫議大夫陽城率仲舒歸登等守

延英門上疏論延齡姦佞贊無罪上意乃解

其後入閣德宗顧列謂宰相曰

第幾人必王某也果然月餘特改補闕

改下一有右字

遷禮部

考功吏部三員外郎在禮部奏議詳雅省中伏其能在

考功吏部提約明故吏無以欺同列有恃恩自得者衆

皆媚承公嫉其為人不直視由此貶連州司戶

孫曰貞元十九

年王叔文用事有左補闕張正一上書得召見正一與仲舒相親善叔文之黨疑正一言已陰事令韋執誼反

諧正一於上前九月正一坐遠竄

移蘆州司馬又移荆

南因佐其節度為參謀

韓曰為荆南節度裴均參謀

得五品服放跡



在外積四年元和初收拾俊賢徵拜吏部員外郎未幾

為職方郎中知制誥

孫曰元和四年自職方郎中知制誥

友人得罪斥逐

後其家親知過門縮頸不敢視公獨省問為計度論議

直其寃由是出為硤州刺史

孫曰元和四年七月御史中丞李夷簡彈京兆尹楊

憑前帥江西時賊罪貶憑臨賀尉仲舒宣言於朝曰夷簡倚據憑坐罪貶硤州。硤徒夾切

轉廬州

未至丁母夫人憂服除又為婺州時疫旱甚人死亡且

盡公至多方救活天遂雨疫定比數年里閭完復制使

出巡人填道迎頌公德

頌一作顯

事具聞就加金紫轉蘓州

變其屋居以絕其火延堤松江路害絕阻滯秋夏賦調

自為書與人以期吏無及門而集化成化一作政為天下守

之最天子曰王某之文可思最宜為誥有古風豈可久

以吏事役之復拜中書舍人韓曰穆宗即位召拜既至京師儕流

無在者視同列皆邈然少年益自悲而謂人曰豈可復

治筆硯於其間哉上若未棄臣宜用所長在外久周知

俗之利病俾治之當不自愧宰相以聞遂得觀察江南

西道

樊曰弘中為蘓州召為中書舍人實元和十五年六月也公嘗誌其墓云既至謂人曰吾老不樂與

少年治文書得一道有地六七郡為之三年貧可富亂  
可治身安功立無愧於國家可也日日語人丞相聞問  
語驗即除江南西道觀察使兼御史中丞此一事耳誌  
與碑兩書之語不相襲足以見公立言之法孫曰元和  
十五年六月除  
江西觀察使 奏罷榷酤錢九千萬作十一軍息之無已

掌吏壞產猶不釋囚

一有公至脫械不問

樊曰初江西榷酒利多他

州十八民私釀歲抵死不絕穀數斛易斗酒仲舒罷榷  
酤錢九千萬吏坐失官息五十萬悉產不能償仲舒焚  
簿書脫械不問人遭水旱賦窘公曰我且減宴樂絕他用錢可

乎

一作可足乎

遂以代罷軍之息錢

樊曰水旱民賦不入仲舒數曰我當減此燕樂

他用可乎為出禁浮屠誑誘壞其舍以葺公宇三年法  
錢二十萬代之

大成錢餘於庫粟餘於廩人享於田廬歌謠於道途天

子復思且徵以代虛吏部左丞位以待之

一作待處之一作以處之

長慶三年十一月十七日薨於洪州年六十二

六或作五上

哀慟輟朝贈左散騎常侍某日歸塋於某處

孫曰長慶四年二月

塋於河南既以公之德刻而藏之墓矣子初

韓曰仲舒七子初哲貞弘泰復

泗又請詩以揭之詞曰

生人之治本乎斯文有事其末而忘其源切近昧陋道由是堙有志其本而泥古陳當用而迂乖戾不伸較是

二者其過也均有美王公志儒之本達士之經秩秩而

積涵涵而停韡而華英

舊本作韡而華英今本作韡而華英孫曰韡字疑作韡韡花盛

貌于鬼切

不矜不盈孰播其馨

一作聲

孰發其明介然而居士

友以傾數文帝階擢列侍從以忠遠名有直有諷辯遏

堅懇巨邪不用

補注巨邪謂裴延齡

秀出班行乃動帝目

祝曰即公上所

謂仲舒入閣帝顧問列謂宰相曰第幾人必王某也果然

帝省竭心恩顧日渥翔于

郎署騫于禁密發帝之令

孫曰謂自職方郎中知制誥

簡古而蔚不

比于權以直友冤鼓撼挫樞竟遭斥奔

孫曰謂貶硤州刺史

久淹

于外歷守大藩

孫曰自硤州徙婺蘓二州

所至極思必悉利病萎枯

以膏燠暘以醒

暘一作腸

坦之敞之必絕其徑浚之澄之使

安其泳帝思其文復命掌誥

孫曰謂穆宗復召為中書舍人

公潛謂人

此職宜少豈無彫郡庸以自效上籍其實俾統于洪逋

滯攸除姦訛革風祛蔽于目釋負于躬方乎所部禁絕

浮屠風雨順易秔稻盈疇人得其所乃恬乃謳化成有

代

孫曰朝廷將以尚書左丞薛放代之會仲舒卒

思以息勞虛位而俟

補注即公上所

云虛吏部左丞位以待上

奄忽滔滔維德維績志于斯石日遠彌高

五百家註昌黎文集卷三十一

謹案第六頁後四行注韓曰遷左神威衛將軍刊  
本將軍上行大字按誌文無大字注自不應有  
且與下文累遷神威大將軍句亦礙今刪

第十八頁後一行注楊惠琳刊本楊訛李據唐書  
改

第二十二頁後七行文通加散騎常侍刊本脫文  
字據考異增


卷三十一第二頁前六行治之東南海道八十里



刊本脫南字據文章正宗及天德堂本增

第五頁後三行注謂南方邾伯也刊本南訛邾據

文義改



總校官庶吉士

臣侍

朝

校對官庶吉士

臣陳文樞

謄錄舉人

臣呂燕昭

欽定四庫全書薈要

集部

五百家註昌黎文集卷三十

四二五



詳校官助教臣常循

欽定四庫全書薈要卷一萬三千八百十六

集部

五百家註昌黎文集卷三十二 宋 魏仲舉 編

碑誌銘

唐故司徒兼侍中中書令贈太尉許國公神道

碑銘

韓曰韓弘新史有傳多本碑詞傳間有誤處  
當以碑為正蓋淮西之役弘為行營都統公  
為行軍司馬其知弘非一日也

○今本止云許公神道碑銘

韓姬姓以國氏

任曰世本曰曲沃桓叔成師之子曰韓  
萬萬子求伯求伯子子與子與子厥遂



以韓為氏故云嚴曰唐韻云韓姓出自唐叔虞之後曲沃桓叔之子萬食邑於韓因以為氏代為晉卿後分晉為國韓為秦滅復以國為氏出

潁川後避王莽之亂居南陽

其先有自潁川徙陽夏

者夏音賈

其地於今為陳之太康

祝曰秦滅韓以其地為潁川郡陽夏隋改為太

康太康之韓

補注新舊史皆言弘滑州匡城人

其稱蓋久然自公始大

著公諱弘公之父曰海為人魁偉沉塞以武勇游仕許

汴之間寡言自可不與人校

一作交

衆推以為鉅人長者

官至遊擊將軍贈太師娶鄉邑劉氏女生公

補注海二子弘充

是為齊國夫人夫人之兄曰司徒玄佐有功建中貞元

之間為宣武軍帥有汴宋毫潁四州之地

孫曰建中二年正月以宋

州刺史劉玄佐為汴宋毫潁節度使

兵士十萬人公少依舅氏讀書習騎

射事親孝謹侃侃自將

祝曰侃侃和樂貌三輔黃圖侃侃閭閻口旱切。一作侃侃

不縱為子弟華靡遨放事出入敬恭軍中皆目之嘗一

抵京師就明經試退曰此不足發名成業復去從舅氏

學將兵數百人悉識其材鄙怯勇指付必堪其事司徒

歎奇之士卒屬心

屬之欲切

諸老將自以為不及

將下一有皆字

司

徒卒

孫曰貞元八年二月玄佐卒

去為宋南城將

孫曰玄佐卒年四月以其子士寧代

為使九年十二月軍亂逐士寧以副使李萬榮為使弘出為宋州南城將比六七歲汴軍連

亂不定

孫曰貞元十二年七月萬榮病其子迺自稱兵馬使軍亂逐迺以董晉為節度使十五年二月

晉卒以行軍司馬陸長源為使軍亂殺長源以宋州刺史劉逸淮為使

貞元十五年劉逸

淮死

孫曰九月逸淮卒

軍中皆曰此軍司徒所樹必擇其骨肉

而為士卒所慕賴者付之今見在人莫如韓甥且其功

最大而材又俊即柄授之而請命於天子天子以為然

遂自大理評事拜工部尚書代逸淮為宣武軍節度使

樊曰弘事逸淮為都知兵馬使逸淮死汴軍懷玄佐之惠以弘長厚共請為留後環監軍請表其事朝廷許之

自試大理評事檢校工部尚書充  
宣武軍節度副大使知節度事

悉有其舅司徒之兵

與地衆果大悅便之當此時陳許帥曲環死

韓曰貞元十五年八

月陳許節度曲環卒

而吳少誠反自將圍許求援於逸淮啗之以

陳歸汴使數輩在館公悉驅出斬之選卒三千人會諸

軍擊少誠許下

孫曰貞元十五年九月少誠圍許初少誠密與逸淮謀因曲環卒襲陳許會逸

淮卒其使數輩在傳舍弘喜獲節鉞即斬其人以聞立出軍三千助禁軍共討少誠敗之

少誠失勢

以走河南無事公曰自吾舅歿五亂於汴者吾苗薈而

髮櫛之幾盡

樊曰淮南子聖人之用兵也櫛髮薈苗所去者少而所利者多舊注薈除田草也。



薨呼然不揃刈

揃減也與前同。不下或有一字

不足令震駭

一作駭祝

曰周禮鼓皆駭

注

疾雷擊鼓曰駭

之以數與於亂自以為功并斬之以徇血流波道

樊曰汴州

自士寧之後軍益驕恣又長源遇害頗輕主帥弘視事數月皆知其人有郎將劉錡者允卒之魁也弘欲大振

威望貞元十六年三月弘引短兵於牙門召錡與其黨三百數其罪斬之血流道中

自是訖公之

朝京師二十一年莫敢有讙呶呌號于城郭者

祝曰謹謹也詩

以謹懽呶注懽懽猶謹謹也。謹音歡呶尼交切

李師古詐言起事

詐一作作

屯兵

于曹以嚇滑帥

嚇虛訝切

且告假道公使謂曰汝能越五界

而為盜邪有以相待無為空言滑帥告急公使謂曰吾

在此公安無恐

一無安字

或告曰翦棘夷道兵且至矣請備

之公曰兵來不除道也不為之應師古詐窮變索遷延

旋軍

孫曰貞元二十一年正月德宗崩順宗即位東平帥李師古發兵屯西境以脅滑州時告哀使未至

諸道義成牙將有自長安還得遺詔者節度李元素以師古鄰道遣使密示之師古欲乘國喪侵噬鄰境乃集將士謂曰聖上萬福而元素忽傳遺詔是反也遂杖元素使者發兵屯曹州且告假道於汴及聞順宗即位乃罷兵少誠以牛皮鞵材遺師古

鞵與鞋同戶佳切

師古以鹽資少

誠潛過公界覺皆留輸之庫曰此於法不得以私相餽

田弘正之開魏博

孫曰元和七年十月以田弘正為魏博節度使李師道孫曰元和

元年閏六月東平帥李師古卒其弟師道代之

使來告曰我代與田氏約相保

援今弘正非其族又首變兩河事亦公之所惡我將與

成德合軍討之敢告公謂其使曰我不知利害知奉詔

行事耳若兵北過河我即東以兵取曹師道懼不敢動

弘正以濟

一無濟字

誅吳元濟也命公都統諸軍

孫曰元和十年二月

山南東道節度嚴綬為賊所襲退守唐州汴州當兩河賊之衝要朝廷慮弘有異志欲以兵柄授之而令李光顏為重脣實當旗鼓九月曰無自行以遏北寇公請使以弘充淮西行營都統使

子公武以兵萬三千人會討蔡下

樊曰弘為都統實不離理所令其子公武

率兵三千隸光顏軍弘雖居統帥陰為逗撓之計每聞捷至輒不怡

歸財與糧以濟諸軍

卒擒蔡姦於是以公為侍中而以公武為鄜坊丹延節

度使

孫曰元和十二年十一月錄平淮西功加弘檢校司徒兼侍中封許國公罷都統公武檢校左散騎

常侍充節度使師道之誅公以兵東下進圍考城克之遂進迫

曹曹寇乞降

樊曰元濟既平弘懼元和十三年九月自將兵擊李師道圍曹州十四年正月拔考

城殺三千餘人鄆部既平公曰吾無事於此其朝京師天子曰

大臣不可以暑行其秋之待公曰君為仁臣為恭可矣

遂行既至獻馬三千匹絹七千匹

一作絹五千匹一作絹三千匹一作絹五

十萬他錦紈綺纈又三萬金銀器千

樊曰元和十四年二月李師道誅收

復河南十二州弘大懼因請入朝七月攜汴之牙校千

人入覲宴賜加等弘獻馬三千絹五千雜繒三萬金銀

器而汴之庫廩錢以貫數者尙餘百萬絹亦合百餘萬

匹馬七千糧三百萬斛兵械多至不可數初公有汴承

五亂之後掠賞之餘且歛且給無宿儲至是公私充塞

至於露積不垣冊拜司徒兼中書令

孫曰弘三上章堅辭戎務願留京師

奉朝請八月守進見上殿拜跪給扶贊元老經體不治  
司徒兼中書令

細微天子敬之元和十五年今天子即位公為冢宰

韓曰

元和十五年正月穆宗即位以弘攝冢宰

又除河中節度使

韓曰元和十五年六月以本官

為河中尹河中晉

在鎮三年以疾乞歸復拜司徒中書

絳節度觀察等使

令韓曰長慶三年請罷戎鎮三表從之十月依前守司徒兼中書令病不能朝以長慶

二年十二月三日薨於永崇里第年八十

補注新舊史皆云年五十

八罷朝三日贈太尉賜之布粟

韓曰弘卒賻絹二千疋布七百端米粟千石

其塋物有司官給之京兆尹監護明年七月某日塋于

萬年縣少陵原京城東南三十里楚國夫人翟氏附子

男二人長曰肅元某官次曰公武某官肅元早歿公之

將薨公武暴病先卒

孫曰是歲閏十月公武卒

公哀傷之月餘遂薨

無子以公武子孫紹宗為主後汴之南則蔡北則鄆二

寇患公居間為已不利卑身佞辭

卑一作畢

求與公好薦女

請昏使日月至既不可得則飛謀釣誘

釣一作鈞

以間染我

染一作課

公先事候情壞其機牙姦不得發王誅以成最功

定次孰與高下公子公武與公一時俱授弓鉞處藩為

將疆土相望公武以母憂去鎮公母弟充自金吾代將

渭北

孫曰元和十二年十一月以公武為渭北鄜坊節度使十四年十一月以母憂去官十五年正月以

弘弟充代公武鎮渭北

公以司徒中書令治蒲于時弟充自鄭滑

節度

一有使字

平宣武之亂以司空居汴

樊曰長慶二年七月汴州逐節度李

愿立牙將李察為留後充自義成節度徙鎮宣武八月汴州監軍斬察降充入汴州詔加充檢校司空

自

唐以來莫與為比公之為治嚴不為煩止除害本不多

教條與人必信吏得其職賦入無所漏失人安樂之在

所以富公與人有軫域

軫一作畛

不為戲狎人得一笑語重

於金帛之賜其罪殺人不發聲色問法何如不自為輕



重故無敢犯者其銘曰

在貞元世汴兵五獠

祝曰獠狂犬也自劉玄佐死汴州五亂。獠居例切

將得其

人衆乃一愒

祝曰愒息也與憇同詩不尚愒焉。愒丘例切

其人為誰韓姓許

公礫其梟狼

礫陟格切

養以雨風桑穀奮張厥壤大豐貞元

元孫

韓曰貞元皇帝之孫憲宗

命正我宇公為臣宗處得地所

一作處處

所得河流兩壩

祝曰壩江河邊地前漢坐侵廟壩為宮。壩而緣切

盜連為羣雄唱

雌和首尾一身公居其間為帝督姦察其嘖呻與其晚

眴

祝曰眴眴眩也又目動貌淮南子視焉無眴孫曰邪視也。晚音詣眴音荀

左顧失視右

顧而跼

巨几切

蔡先鄆鉏三年而墟槁乾四呼終莫敢濡

常山幽都

補注常山成德軍幽都幽州也

孰陪孰扶

陪一作倚一作恃

天施不

留

施一作地

其討不逋許公預焉其賚何如悠悠四方既廣

既長無有外事朝廷之治許公來朝車馬干戈相乎將

乎

補注言官兼將相也

威儀之多將則是矣相則三公釋師十萬

歸居廟堂上之宅憂

補注上謂穆宗

公讓太宰養安蒲坂

孫曰元和

十五年六月出鎮河中

萬邦絕等有弟有子提兵守藩一時三侯

人莫敢扳

祝曰扳引也春秋傳扳引而立之與攀同又音班

生莫與榮歿莫與

令刻文此碑以鴻厥慶

補注鴻大也

柳子厚墓誌銘

韓曰公元和十五年九月二十二日始自袁州召還此誌作於袁州公之誌子厚詳矣其祭文推許尤厚劉夢得祭子厚文曰退之承命改牧宜陽勒石垂後屬于伊人其後序其集曰子厚之喪昌黎韓退之誌其墓且以書來弔曰哀哉若人之不淑吾嘗評其文雄深雅健似司馬子長崔蔡不足多也安定皇甫湜於文章少推許亦以退之之言為然凡子厚之名氏與仕與年暨行已之大方有退之之誌若祭文在夢得與子厚俱以文推及誌其墓夢得則屬于公而不敢當公之文在當時為儕輩所服如此

子厚諱宗元七世祖慶

孫曰慶字更興河東解人

為拓跋魏侍中封

濟陰公

孫曰慶仕周為宜州刺史封平齊縣公

曾伯祖奭

樊曰慶子則則子奭字子燕

為唐宰相與褚遂良韓瑗俱得罪武后死高宗時

孫曰永徽

二年正月以奭同中書門下三品五年六月罷相貶

皇

象州刺史為許敬宗等所構就州殺之。高一作中

考諱鎮

韓曰則第旦字匡德周中書侍郎旦子楷濟房蘭廊四州刺史楷子子夏徐州長史子夏子從

裕滄州清池令從裕子察躬湖州德清令察躬子鎮

以事母棄太常博士求為縣

令江南

孫曰鎮丁母憂服除吏部命為太常博士鎮曰有尊老孤弱在吳願為宣城令從之

其後

以不能媚權貴失御史

樊曰肅宗平賊鎮上書言事擢左衛率府兵曹佐郭子儀朔方

府三遷殿中侍御史以  
事觸實叅貶蔓州司馬

權貴人死乃復拜侍御史號爲

剛直所游皆當世名人

樊曰宗元作先友記鎮所厚者六十六人且曰先君之所與友

凡天下之善士舉集焉

子厚少精敏無不通達逮其父時雖少年

已自成人能取進士第

樊曰貞元九年登第年二十一德宗問曰得無以朝士子冒進

者乎有司以聞上曰是故抗姦臣竇叅者耶吾知其不爲子求舉矣

蘄然見頭角

祝曰選蘄絕峯

殊狀注險峻貌楚辭何山石之蘄巖注石高貌。蘄士咸切又士減切

衆謂柳氏有子矣

其後以博學宏詞授校書郎

孫曰貞元十四年中此科以將仕郎守集賢殿正字

藍田尉雋傑廉悍議論證據古今出入經史百子踔厲

風發

韓曰前漢非有踔絕之能注高遠也。踔救角切

率常屈其座人名聲大

振一時皆慕與之交諸公要人爭欲令出我門下交口

薦譽之貞元十九年拜監察御史

孫曰為監察御史裏行

王叔文

韋執誼用事拜尚書禮部員外郎

祝曰順宗即位叔文執誼用事尤奇待宗

元與呂溫引納禁近與計事擢禮部員外郎

且將大用遇叔文等敗例出為

刺史未至又例貶永州司馬

樊曰永貞元年八月憲宗即位貶叔文渝州司戶參

軍九月宗元與同輩七人皆坐王叔文黨同貶宗元邵州刺史十一月道貶永州司馬

居閑益自

刻苦務記覽為詞章汎濫停蓄為深博無涯涘

祝曰宗元既罹

竄逐涉履蠻瘴崎嶇堙厄蘊騷人之鬱悼寫情  
叙事動必以文為騷文十數篇覽者為之悽惻而自肆

於山林之間元和中

補注元和九年冬

嘗例召至京師又偕出

為刺史而子厚得柳州

樊曰元和十年三月以永州司馬柳宗元為柳州刺史

既

至歎曰是豈不足為政耶因其土俗為設教禁州人順

賴其俗以男女質錢約不時贖子本相侔則沒為奴婢

則下一有許字

子厚與設方計悉令贖歸其尤貧力不能者令

書其傭足相當則使歸其質觀察使下其法於他州比

一歲免而歸者且千人衡湘以南為進士者皆以子厚

為師其經承子厚口講指畫為文詞者悉有法度可觀

補注東坡至廣州寄二子詩云莫學柳儀曹詩書教蠻獠事本於此

其召至京師而復為

刺史也中山劉夢得禹錫亦在遣中當詣播州子厚泣

曰播州非人所居而夢得親在堂吾不忍夢得之窮無

辭以白其大人且萬無母子俱往理請於朝將拜疏願

以柳易播雖重得罪死不恨遇有以夢得事白上者夢得

於是改刺連州

樊曰叔文之黨坐謫官者几十年不量移至是執政有憐其才者欲漸進之悉

召至京師諫官言不可上與宰相武元衡亦惡之悉以  
為遠州刺史宗元得柳州禹錫得播州詔下宗元謂所



親曰禹錫有母年高今為郡蠻方西南絕域往返萬里如何與母偕行如母子異方便為永訣吾與為執友胡忍見其若是即草奏願以柳易樞密御史中丞裴度亦奏曰禹錫誠有罪然母老其子為死別良可傷上曰為人子尤當自謹勿貽親憂此重可責度曰陛下方侍太后不宜有此言上良久曰朕所責人子者耳然不欲傷其親心謂左右曰度愛我

嗚呼士窮乃見節義今夫平

居里巷相慕悅酒食游戲相徵逐詡詡強笑語

韓曰詡詡人語

也虛甫切以相取下握手出肺肝相示指天日涕泣誓生死

不相背負真若可信一旦臨小利害僅如毛髮比反眼若不相識落陷穽不一引手救反擠之又下石焉者皆

是也此宜禽獸夷狄所不忍為而其人自視以為得計

聞子厚之風亦可少愧矣子厚前時少年勇於為人不

自貴重顧藉謂功業可立就故坐廢退既退又無相知

有氣力得位者推挽故卒厄於窮裔

邊也音曳

材不為世用

一有道道不行於時也使子厚在臺省時自持其身已能

如司馬刺史時亦自不斥斥時有人力能舉之

能一作解

且

必復用不窮然子厚斥不久窮不極雖有出於人其文

學辭章

一作意

必不能自以力傳於後

力字下一有必致二字一作致必二

字如今無疑也雖使子厚得所願為將相於一時以彼

易此孰得孰失必有能辨之者子厚以元和十四年十

月五日卒年四十七以五十年秋七月十日歸葬萬年

先人墓側子厚有子男二人長曰周六始四歲季曰周

七子厚卒乃生任曰咸通四年右常侍蕭倣知舉試謙

告第三人韓絳第八人告即子厚之子字用益絳即退之之孫女子二人皆幼其得歸

葬也費皆出觀察使費一作資河東裴君行立孫曰元和十二年行立為

桂管觀察使行立有節槩重然諾與子厚結交子厚亦為之

盡竟賴其力塋子厚於萬年之墓者舅弟盧遵遵涿人  
性謹順學問不厭自子厚之斥遵從而家逮其死不去  
既往塋子厚又將經紀其家庶幾有始終者

終下一  
有焉字

銘

曰

是惟子厚之室既固既安以利其嗣人

唐故昭武校尉守左金吾衛將軍李公墓誌銘

韓曰李道古曾成王臯之子新史附臯傳後  
道古巧于官便佞傾下遊公卿間嘗與博奕  
為不勝厚進所饋嗜利者多得其歡心故少  
盜美名詳見於傳而誌皆畧之祭統曰銘之

義稱美而不稱惡此墓誌銘也所以有寢無貶

公諱道古字某曹成王子

孫曰成王三子象古道古復古公嘗銘曹成王臯碑

其

先王明以太宗子王曹絕輒復封五世而至成王王諱

臯有功建中貞元間以多才能行賞誅為名至今追

數當時

數所矩切

内外文武大臣成王必在其間公以進士

舉及第

補注貞元五年登第

獻文輿三十卷拜校書郎集賢學士

四遷至宗正丞憲宗即位遷擢宗室遷尙書司門員外

郎以選為利隨唐睦州刺史遷少宗正

宗一作室非

元和九

年以御史中丞持節鎮黔中

孫曰貞元八年十月自宗正少卿出為黔中觀察使

十一年來朝遷鎮鄂州

樊曰貞元十一年鄂岳觀察使柳公綽為飛譖上聞會道古自

黔中來朝即以為鄂岳沔蘄安黃團練觀察使代以鄂公綽道古倍道入其營公綽惶懼出財貨皆被奪

岳道兵會平淮西

樊曰貞元十二年二月道古攻申州破其鄂進圍中城守卒夜驅女子登

而譟發懸以出道古衆亂多死於賊李聽守安州未嘗敗道古誣逐之又以度支錢饋權倖故賜不給其下怨怒戰不甚力雖再入申不能下以功加御史大夫十三年徵拜宗正轉

左金吾

轉一作遷

上即位以先朝時嘗信妄人柳賁

賁一作泌下同

能

燒水銀為不死藥薦之賁以故起閭閻氓為刺史不效

貶循州司馬

樊曰憲宗晚好神仙詔求方士道古在鄂岳以貪暴聞恐獲罪乃求自媚貞元十三

年因皇甫鏐薦山人柳泌云能合長生藥十月詔泌居

興唐觀煉藥十一月以泌權知台州刺史憲宗餌其藥

不效十五年正月帝崩杖殺柳

泌貶鏐斥道古為循州司馬

其年九月三日以疾卒

于貶所

樊曰道古終以服丹歐血死

年五十三長慶元年詔曰左降

而死者還其官以葬

韓曰長慶元年正月穆宗祀圓丘赦天下

遂以其年九

月一日葬于東都某縣

一本無其年九月一日葬七字

公三娶元配韋

氏諱修修生子紘紘為進士舉

一作學

女貢嫁崔氏夫人

隋雍州牧勳公

勳音云

叔裕五世孫

祝曰叔裕字孝寬京兆杜陵人周大象二

年十一月卒

贈雍州牧 父士佺

且緣切

蓬山令次配崔氏諱葑

祝曰白芷

其葉謂之葑。葑

乙角切又音約

生綽紹綰女會嫁鄭氏季毗夫人父

昭嘗為京兆尹

孫曰大歷三年五月昭自左散騎常侍為尹

今夫人韋氏無

子父光憲光祿卿其葬用古今禮以元配韋氏夫人祔

而塋次配崔氏夫人於其域異墓公宗室子生而貴富能

學問以中科取名善自傾下以交豪傑身死賣宅以塋

銘曰

太支於今

補注太支一作本支非太謂太宗也見曹成王誌

其尚有封

尚一作上

當



公弟兄未續又亡其遷于南年及始衰雖黜不復

雖一作誰

而以喪歸海豐瀾瀾萬里于畿

祝曰言自循州歸葬京都

載其始終

以哀表之

唐故朝散大夫尚書庫部郎中鄭君墓誌銘

韓曰公在江陵與鄭羣同官詩有鄭羣贈簞即其人至是銘之

公諱羣字弘之世為滎陽人其祖於元魏時有假封襄

城公者

樊曰鄭偉字子直西魏大統中封襄城郡公

子孫因稱以自別君其

後也

一無上四字

曾祖匡時晉州霍邑令祖千尋彭州九隴

承父迪鄂州唐年令娶河南獨孤氏女生二子君其季

也一有君字以進士

樊曰貞元四年羣登進士第

選吏部考功所試判為

上等

補注試判謂試書判

授正字自鄆縣尉

祝曰鄆縣屬京兆府

拜監察御

史佐鄂岳使裴均

祝曰均字君齊河東聞喜人

均之為江陵

孫曰貞元十九

年五月均自荆南行軍司馬為本軍節度使

以殿中侍御史佐其軍

樊曰公時亦為

江陵法曹與羣同官均之徵也

孫曰元和三年四月召均為尚書左僕射。之一作戶

遷虞

部員外郎均鎮襄陽

孫曰九月加均同平章事為山南東道節度使

復以君為

襄府左司馬刑部員外郎副其支度使事

補注為支度副使

均

卒李夷簡代之

孫曰元和六年四月以夷簡代均鎮襄陽五月均卒

因以故職留

君歲餘拜復州刺史方遷祠部郎中會衢州無刺史選

人願行者宰相即以君應詔治衢五年復入為庫部郎

中行及揚州遇疾月餘以長慶元年八月二十四日卒

春秋六十即以其年十一月二十二日從葬於鄭州廣

武原先人之墓次君天性和樂居家事人與待交遊初

持一心未嘗變節有所緩急曲直薄厚踈數也

數音朔

不

為翕翕熱

補注翕翕訛訛世說謝安在東山兄弟已有富貴者集翕翕家門傾動人物此謂權門有

炙手可熱之勢而羣  
不為也。熱一作然

亦不為崖岸斬絕之行俸祿入門

與其所過逢吹笙彈箏飲酒舞歌詠調醉呼

詠音  
恆

連日

夜不厭費盡不顧問

一無上五字一云  
盡費不復顧問

或分挈以去一

無所愛惜不為後日毫髮計留也遇其空無時客至清

坐相看

一作  
對

竟日不能設食客主各自引退亦不為辭

謝與之遊者自少及老未嘗見其言色有若憂歎者豈

列禦寇莊周等所謂近於道者耶其治官守身又極謹

慎不挂於過差去官而人民思之身死而親故無所怨

議哭之皆哀又可尚也初娶吏部侍郎京兆韋肇女

韓曰

肇京兆人大歷中為中書舍人累上疏言得失為元載所惡左遷京兆少尹載卒除吏部侍郎卒

生二

女一男長女嫁京兆韋詞

孫曰詞字致用。詞一作嗣宗非

次嫁蘭陵

蕭儋

子管切。一本作讚

後娶河南少尹趙郡李則女生一女二

男其餘男二人女一人

一作或作四

皆幼嗣子退思韋氏生也

銘曰

再鳴以文進塗闕

孫曰再鳴謂進士及書判拔萃也

佐三府治藹厥蹟

補注三府謂鄂岳江陵襄府。蹟音迹

郎官郡守愈著白洞然渾樸絕瑕

謫渾胡本切  
樸一作璞

甲子一終反玄宅

韓曰甲子一終即誌所謂春秋六十是也

唐故朝散大夫越州刺史薛公墓誌銘

韓曰薛戎元稹作神道碑而公誌其墓

公諱戎字元夫

補注河中寶鼎人

其上祖懿為晉安西將軍實

始居河東

樊曰懿避寇汾陰

公之四世祖嗣汾陰公

樊曰汾陰河中縣也

開元十年獲寶鼎改名寶鼎縣

諱德儒為隋襄城郡書佐以卒

祝曰德儒父道

寶隋禮部尚書

襄城有子二人皆貴

孫曰德儒二子寶積寶胤寶積楊州大都督府長史

寶胤邠州刺史樊曰德儒隋濟北司馬生二子寶積潤州刺史寶胤少府少監

其後皆蕃以大

而其季尤盛官至邠州刺史邠州諱寶允有子九人皆

有名位

樊曰寶盾子九人續純絢綰繪絃縉絳緣純秦州都督絢好時令綰濟源令繪祠部郎中絃華

州刺史縉和州刺史緣金部員外郎見世系表

其最季諱謙

作謙誤當作緣

為河南令

以卒

孫曰贈給事中

河南有子四人其長諱同卒官湖州長史

贈刑部尚書尚書娶吳郡陸景融女有子五人

補注五子又丹

戎放朗

皆有名蹟其達者四人

樊曰又溫州刺史丹廬州刺史戎浙東觀察使放江

西觀察使

公於倫次為中子仁孝慈愛忠厚而好學不應徵

舉沉浮閭巷間不以事自累為貴

孫曰戎少有學術不求聞達居於毗陵之

陽羨山年四十餘不  
易其操陽羨即常州

常州刺史李衡遷江西觀察使日

一無  
日字

曰州客至多莫賢元夫吾得與之俱足矣即署公

府中職公不辭讓

韓曰李衡為常州刺史能以禮下戎  
貞元八年二月衡自湖南移鎮江西

辟為從事使  
者三返乃應

年四十餘始脫褐衣為吏衡遷給事中齊

映自桂州

桂一作睦

以故相代衡為江西

故一作宰

公因留佐映

孫曰貞元八年六月以桂管觀察使故相齊  
映代衡鎮江西召衡為給事中映表戎留之

映卒

孫曰

貞元十一年七月  
映卒戎復歸陽羨

湖南使李巽福建使柳冕交表奏公

自佐詔以公與冕

孫曰貞元十一年三月以柳冕  
為福建觀察使表戎為判官

在冕



府累遷殿中侍御史

遷下一有至字

冕使公攝泉州冕文書所

條下有不可者公輒正之冕惡其異於已懷之未發也

祝曰戎攝泉州刺史時貞元中寵重方鎮方鎮喜自用不用朝廷法戎在郡遵朝廷令不從冕所自用者冕

惡之遇馬揔以鄭滑府佐忤中貴人貶為泉州別駕冕意

欲除揔附上意為事使公按置其罪公歎曰公乃以是

待我我始不願仕者正為此耳不許冕遂大怒囚公於

浮屠寺而致揔獄事聞遠近值冕亦病且死不得已俱

釋之

孫曰馬揔佐鄭滑府監軍薛盈珍欲奪節度使姚南仲政南仲不從由是有隙揔以南仲道直盈珍

怒誣奏摠貶泉州別駕冕欲除摠以附盈珍使戎按置其罪戎曰以是待我耶我始不願仕正謂此爾不肯從還白其事冕怒據案引戎入戎叱引者曰見賓客乃爾乎由東廂進冕度未可屈揖而去置戎於佛寺環兵脅辱之累月戎終不屈淮南節度杜佑聞之以書責冕會冕病戎遂得脫辭職自放江湖間冕死後使至奏公自副樊曰冕卒間濟美代冕使福建備聞其事奏戎為團練副使又副使事

於浙東府

樊曰濟美使浙東戎又副之

轉侍御史元和四年徵拜尚

書刑部員外郎

樊曰給事中穆質有直氣愛戎稱於朝因拜刑部員外郎

遷河南令

樊曰吐突承璀討鎮州所過吏迎迓畏不及迨道前駢惟戎境內按故無所治迓留守卒犯令者縛置獄留守怒遣將略出之不與歷衢湖常三州刺史孫曰遷衢州刺史初到視前刺史所為皆便俗

戎忻然無所改不周月而政就移刺湖州其最患人  
者荻塘河水渚淤逼塞不能負舟戎濬之百餘里

至以廉貞寬大為稱朝廷嘉之元和十二年正月二十

二日拜越州刺史兼御史中丞浙東觀察使至則悉除

去煩弊樊曰正月以戎帥浙東所部州觸酒禁  
者罪當死橋未貢先鬻者死戎弛其禁儉出薄

入以致和富部刺史得自為治補注部刺史  
謂部中刺史無所牽制

四境之內竟歲無一事公篤於恩義盡用其祿以周親

舊之急有餘頒施之內外親無疎遠皆家歸之疾病去

官長慶元年九月庚申至於蘓州以病卒春秋七十五

孫曰天  
寶六年

奏至天子為之罷朝贈左散騎常侍使臨弔祭

之士大夫多相弔者

大夫一作人字

以其年

其一作明

十一月庚申

塋于河南偃師先人之兆次以韋氏夫人祔公凡再娶

先夫人京兆韋氏後夫人趙郡李氏皆先卒子男二人

曰沂曰洽長生九歲而幼七歲矣女四人皆已嫁愈既

與公諸昆弟善又嘗代公令河南

樊曰公嘗令河南與薛為代

公之

塋也故公弟集賢殿學士尚書刑部侍郎放

樊曰放字達夫貞元

七年登第戎死時為尚書刑部侍郎  
後終江西觀察○刑部一作兵部

屬余以銘其文曰

薛氏近世莫盛公門公倫五人咸有顯聞公之初志不  
累以事僊免以隨亦貴於位無怨無惡中以自貴不能  
百年曷足謂壽公宜有後有二稚子其祐成之公食廟  
祀

五百家註昌黎文集卷三十二

欽定四庫全書薈要卷一萬三千八百十七

集部

五百家註昌黎文集卷三十三 宋 魏仲舉 編

墓誌銘

楚國夫人墓誌銘

韓曰夫人許國公韓弘妻也夫人之葬公武尚執喪不變許國亦以是年十二月薨則公武已先死矣許國之誌詳焉

楚國夫人姓翟氏故檢校御史大夫宋州刺史良佐之

女今司徒

一無今字

兼中書令許國公之妻

樊曰許國公韓弘也

前鄜

州節度使散騎常侍兼御史大夫公武之母夫人在家以孝友聰明為父母所偏愛選所宜歸以適韓氏韓氏族大且貴父太尉劉公之甥

孫曰劉玄佐之甥  
○一本父作又

內外尊顯夫人

入門上下莫不贊賀事皇姑齊國太夫人

祝曰太夫人  
弘母劉氏也

玄佐  
之妹

肅恭誠至奉養不怠皇姑以夫人能盡婦道稱之

六親其事夫義以順其教子愛以公司徒公曰我之能守貴富不危溢者楚國有助焉耳大夫領梁偏師卒就蔡功受節居藩為邦家令人父母之教然也

孫曰元和  
十年九月

以宣武軍節度使韓弘為淮西行營都統弘遣其子公武領宣武兵三千人隸李光顏討蔡十二年冬蔡州平

十一月以公武為

鄜坊丹延節度使夫人以元和十四年十一月一日薨

于鄜之公府春秋若干大夫委節去位奉喪以居東都

詔再起之辭以羸毀不任即命又加喻勉固守不變天

子嗟歎之

孫曰公武執喪不變元和十五年正月以弘弟充代公武為節度使

長慶二年

三月某日塋夫人于洛陽北山夫人生二子長曰肅元

為太子司議郎以卒贈尚書主客郎中其次大夫公武

也銘曰



翟氏之先蓋出宗周

韓曰元和姓纂云翟黃帝之後代居翟地後為晉所滅

璜顯

於魏以佐文侯

韓曰史記魏文侯謂李克曰家貧則思良妻國亂則思良相今所置非魏成則

翟璜卒以成為相翟璜佐魏文侯所進者西河之守西門豹樂羊李克屈侯鮒等五人文侯皆臣之

高陵

相漢

樊曰成帝永始二年十一月以翟方進為丞相封高陵侯綏和二年二月罷

義以家酬

韓曰王莽居攝元年九月方進子東郡太守義舉兵誅莽凡二月兵敗死莽發方進及先祖冢在汝南者焚棺

夷三族誅及種嗣

遷于南陽始自郎苗逮魏晉宋代不絕史以

至夫人太守之子司徒之妻大夫之母公居河東

孫曰河東

言汴河也弘在宣武凡二十一年元和十四年秋自宣武入朝願留京師八月拜司徒兼中書令其冬妻翟氏

卒於鄜州○  
公一作父

子在鄜時

孫曰鄜坊丹延節度治鄜州史記秦文公夢黃蛇自天下屬地

其口止於鄜衍文公問史敦敦曰此上帝之徵君其祠之於是作鄜時祭白帝今之鄜州蓋取名於此

爲

王屏翰有壤千里公曰姑止以承我祀子曰母兮莫我撫已文駟雕軒往來有煒莫尊於母莫榮於妻從古迄

今孰盛與夷

祝曰夷等也

用昭厥裔篆此銘詩

### 唐故國子司業竇公墓誌銘

韓曰公嘗有送竇平從事序云其族人殿中侍御史牟合東都之交遊能文者賦詩以贈之必此司業公也惟序稱殿中侍御史而誌不載若可疑焉然誌言兩佐東都留守則序

所謂合東都之交  
遊即謂司業明矣

國子司業竇公諱牟字某

程曰字貽周京兆金城人

六代祖敬遠嘗

封西河公

一有至公之三字

大父同昌司馬比四世

一作

仍襲

爵名

樊曰敬遠孫善衡左衛將軍善衡子懷亶洪州都督懷亶子允同昌郡司馬皆襲封西河公同昌郡

扶同昌諱允生皇考諱叔向官至左拾遺深

樊曰叔向

字遺直以詩自名與常袞善大厯十二年四月袞平章事用叔向為左拾遺內供奉十四年閏五月袞貶河南少尹叔向出為深

水令○深音栗贈工部尚書尚書於大厯初名能為

詩文及公為文亦最長於詩

樊曰叔向五子常牟羣庠

羣皆工詞章為聯珠集行

於時義取昆弟若五星然  
羣新史有傳年等附焉

孝愛謹厚

一作孝謹厚重

舉進士登

第

孫曰貞元二年進士

佐六府五公八遷至檢校郎中

檢校下一有虞部二

字

元和五年真拜尚書虞部郎中轉洛陽令都官郎中

澤州刺史以至司業年七十四

補注年生於天寶八年

長慶二年

二月丙寅以疾卒其年八月某日塋河南偃師先公尚

書之兆次

任曰周禮冢人掌公墓之地辨其兆域兆塋域也

初公善事繼母家

居未出學問於江東尚幼也名聲詞章行于京師人遲

其至

遲音揖

及公就進士且試其輩皆曰莫先竇生于時

公舅袁高爲給事中

李曰高字公願滄州東光人曾祖恕已南陽郡王恕已子建康淮陽

太守建康子高貞元初爲給事中

方有重名愛且賢公然實未嘗有以

干有司公一舉成名而東遇其黨必曰非我之才維吾

舅之私其佐昭義軍也遇其將死

孫曰貞元二十年六月昭義軍節度使李

長榮公權代領以定其危後將盧從史

孫曰貞元二十年八月以昭義

兵馬使盧從史爲節度使

重公不遣奏進官職公視從史益驕不遜

僞疾經年輦歸東都

祝曰輦昇車也呂氏春秋不舉命封夏后之後於杞前漢皇后輦駕

○輦字

從史卒敗死

孫曰元和五年六月從史爲其都知兵馬使烏重胤所縛送京師

音預

驪州司馬卒

公不以覺微避去為賢告人公始佐崔大夫縱

留守東都

樊曰貞元二年九月以吏部侍郎崔縱為東都留守奏牟為府巡官

後佐留守

司徒餘慶

樊曰元和五年六月以河南尹鄭餘慶為東都留守奏牟為府判官

歷六府五

公

韓曰年初為東都留守巡官歷河陽昭義從事再為留守判官

文武細麤不同自始

及終於公無所悔望有彼此言

一有者字

六府從事幾且百

人有愿姦易險賢不肖不同公一接以和與信卒莫與

公有怨嫌者其為郎官令守慎法寬惠不刻教誨於國

學也嚴以有禮扶善遏過

遏一作益

益明上下之分以躬先

之恂恂愷悌得師之道公一兄三弟常羣庠鞏

音拱

常進

士

補注常字中行大歷十四年進士

水部員外郎朗蔓江撫四州刺史

羣以處士徵

孫曰羣字丹列以處士隱居毗陵貞元十年十月吏部侍郎韋夏卿為京兆尹薦

羣徵拜左拾遺

自吏部郎中拜御史中丞

樊曰元和二年正月以武元衡同平章事

舉羣代已為御史中丞

出帥黔容以卒

孫曰元和三年十月貶黔中觀察使八年四月遷容

管經略使九年召還至衡州卒

庠三佐大府

樊曰庠字肖卿貞元二十一年五月韓皋出鎮武昌

奏庠為推官元和三年二月皋移鎮浙西以庠為副使又為宣歙副使

自奉先令為登州

刺史鞏亦進士

韓曰鞏字友封元和二年登第

以御史佐淄青府

孫曰元和

十四年三月以薛平為平盧  
淄青節度使表鞏自副

皆有材名公子三人長曰周

餘好善學文

一作好學善文

能謹謹致孝述父之志曲而不黷

次曰某少曰某皆以進士貢女子三人愈少公十九歲

補注公大歷三年生至是年五十

五故云少公十九歲少或作以非以童子得見於今四

十年始以師視公

視一作事

而終以兄事焉公待我一以朋

友不以幼壯先後致異公可謂篤厚文行君子矣其銘

曰

后緡竇逃閔腹子

祝曰哀元年左氏昔有過澆滅夏后相后緡方孕逃出自竇歸于有仍



夏以再家竇為氏

祝曰后緡生少康克復舊物少康二子曰杼曰龍龍留居有仍遂為竇氏

聖愕旋河犢引比

樊曰龍六十九世孫為鳴犢史記云孔子不得用於衛將西見趙簡子至

于河聞竇鳴犢舜華之死臨河而嘆曰美哉水洋洋乎

丘之不濟此命也夫鳴犢舜華晉國之賢大夫也簡子

未得志之時須此兩人而後從政及其已得志殺之丘

聞之也刳胎殺夭則麒麟不至竭澤而漁則蛟龍不游

鳥獸之於不義尚知辟之而況丘哉旋河謂相嬰撥漢

至河而旋也引比引以為比○犢作犢非

納孔軌

樊曰鳴犢七世孫世世子嬰字王孫家觀津漢武帝建元六年六月為丞相軌法也言撥去亂

政納之於法韓曰竇太后從兄子嬰相武帝太后好黃

老而嬰務隆推儒術賤道家言此云撥漢納孔軌蓋謂

嬰撥漢家黃老之習而納之孔子之道左氏所謂納於

軌物前漢叙傳所謂伏周孔之軌躅也○撥一作發

後去觀津

觀音贊

而家平陵

韓曰世弟庖庖子充徙居清河充子廣國字少君孝文皇

后之弟廣國子誼誼子賞宣帝時以吏二千石徙扶風平陵

遥遥厥緒

樊曰何昌寓為吏部有姓

閑者求官自曰子寓後昌寓笑曰遥遥華胄遥遥字出此

夫子是承我敬其人我懷

其德作詩孔哀質于幽刻

一作石

唐故正議大夫尚書左丞孔公墓誌銘

補注孔幾新舊史皆有傳

孔子之後三十八世有孫曰幾

孔曰孔子後三十五世曰務本為東光令務本

子如珪海州司戶如珪子岑父著作佐郎巢父給事中岑父五子載幾幾載幾

字君嚴事唐為

尚書左丞

孫曰長慶二年以  
孫為尚書左丞

年七十三上書去官

孫曰

長慶三年

天子以為禮部尚書祿之終身而不敢煩

累表請老

以政

樊曰詔錢以禮部尚書致仕優詔褒美  
仍令所司歲致羊酒如漢禮徵士故事

吏部侍郎

韓愈常賢其能謂曰公尚壯上三留奚去之果曰吾敢

要吾君年至

一本无  
至字

一宜去

洪曰蓋取龔勝邴漢俱乞  
骸骨詔曰古者有同年至

則致事今大夫年至矣補注禮大夫  
七十而致仕○或作宜去無一字

吾為左丞不能進

退郎官

一作

唯相之為二宜去愈又曰古之老於鄉者

將自佚非自苦閭井田宅具在親戚之不仕與倦而歸

者不在東阡在北陌

補注曰南北曰阡東西曰陌

可杖屨來往也今

異於是公誰與居且公雖貴而無留資何恃而歸曰吾  
負二宜去尚奚顧予言愈面歎曰公於是乎賢遠於人

明日奏疏曰臣與孔幾同在南省數與相見

數音朔數與下一本

有孔幾二字

幾爲人守節清苦議論正平年纔七十筋力耳

目未覺衰老憂國忘家用意至到如幾輩在朝不過三  
數人陛下不宜苟順其求不留自助也不報明年長慶  
四年正月己未公年七十四告薨於家贈兵部尚書公

始以進士

補注建中元年  
錢第進士

佐三府

孫曰貞元十六年四月  
以鄭滑節度行軍司馬

盧葦為本軍節度使表錢為判官九月葦卒摠攝留務

監軍楊志謙雅自肆眾皆恐錢邀志謙至府與對榻卧

起示不疑志謙

官至殿中侍御史元和元年以大理正

嚴憚不敢動

徵累遷江州刺史諫議大夫事有害於正者無所不言

樊曰錢為諫議時中人劉希光受賕二十萬給抵死吐

突承瓘坐厚善逐為淮南監軍太子舍人李涉知憲宗

意投匭上言承瓘有功不可棄錢劾奏涉

加皇太子侍

結近倖營罔上聽有詔斥涉峽州司馬

讀孫曰元和六年十月以改給事中言京兆尹阿縱罪

錢為皇太子諸王侍讀

人詔奪京兆尹三月之俸

韓曰錢為給事中江西觀察  
使李少和坐賊獄寢不下博

陵崔易簡殺從父兄鞠狀具京兆尹左右之翻其情殘  
慷慨論正貶少和殺易簡奪尹三月俸一本無此句尹字

權知尚書右丞明年拜左丞

一無上三字

改華州刺史

孫曰元和

九年六月以戮為刺史

明年歲貢海蟲淡菜蛤蚶

祝曰蛤蚶

潼關防禦鎮國軍使

蛤也說大蜃屬有三皆生於海千歲化為蛤秦謂之牡

蠣一曰百歲燕所化魁蛤一名復累老服翼所化蚶蚌

屬爾雅曰魁陸本草云狀如海蛤負而厚外橫

可食之

從其理五味自充庖作羞○蛤音閭蚶呼甘切

屬

一無可食二字

自海抵京師道路水陸遞夫積功歲為四十

三萬六千人奏疏罷之下邳令管外按小兒

邳音圭外按一作按

外繫御史獄公上䟽理之詔釋下邳令而以華州刺史

為大理卿

錄曰元和十年二月以李絳代錢為華州以錢為大理卿○而以一作而自又作行自一

無刺史二字

十二年自國子祭酒拜御史大夫嶺南節度等

使

樊曰元和十二年七月嶺南節度使崔詠卒帝謂裴度曰嘗論罷蚶菜者誰歟今安在是可為朕求之度

以錢對庚戌以戲為節度使

約以取足

任曰錢剛正清儉請刺境內史俸料之外絕其取索

諸州負錢至二百萬悉放不收

韓曰錢既至免屬州逋負千八萬緡米八萬斛

黃金稅歲

八百兩

蕃舶之至泊步有下碇之稅

韓曰步水岸渡處碇錘舟石與

訂同○碇丁定切

始至有閱貨之燕犀珠磊落賄及僕隸

賄一作財

公皆罷之絕海之商有死于吾地者官藏其貨滿三月

無妻子之請者盡沒有之

或無有字

公曰海道以年計往復

何日月之拘苟有驗者悉推與之無筭遠近厚守宰俸

而嚴其法

韓曰先是屬刺史俸率三萬又不時給皆取部中衣食殘至倍其俸約不得為貪暴稍

以法繩之

嶺南以口為貨其荒阻處父子相傳為奴

傳一作縛

公

一禁之有隨公之吏得無名兒蓄不言官有訟者

訟一作告

公召殺之山谷諸黃世自聚為豪觀吏厚薄緩急或叛

或從

張曰自貞元中黃洞諸蠻叛久不平

容桂二管利其虜掠請合兵討

之

孫曰元和十四年容管經略使楊炎桂管觀察使裴行立欲徵幸立功爭請討上從之

異一有



功有所指取當時天子以武定淮西河南北用事者以

破諸黃為類

一作頌

向意助之公屢言遠人急之則惜性

命相屯聚為寇緩之則自相怨恨焉況此禽獸耳

一作自相

怨恨而散此禽獸耳一作自相怨恨而散焉此禽獸耳

但可自計利害不足與論

是非天子入先言遂歛兵江西岳鄂湖南嶺南會容桂

之吏以討之被霧露毒相枕藉死百無一還安南乘勢

殺都護李象古

孫曰元和十四年十月安南軍亂殺都護李象古并家屬部曲皆過害

桂

將裴行立容將楊旻皆無功數月自死

孫曰十五年七月行立旻相繼

卒○數月  
一作數日

嶺南囂然祠部歲下廣州祭南海廟廟入海

口為州者皆憚之不自奉事常稱疾命從事自代唯公

歲常自行官吏刻石為詞笑之

詞一作詩嚴曰事見本集南海神廟碑云元和

十二年詔用魯國孔公為廣州刺史又云至州之明年即十三年又云明年祀歸即十四年又云明年其時公又國往即十五年也按退之以十四年貶潮州冬至袁州則十五年已移袁州矣舊史云歲每受詔自犯風波而往愈在潮州作詩笑之其說蓋誤

十五年遷尚書吏部侍郎

補注十五年九月遷

拜公之北歸不載南物奴婢之籍不增一人長慶元年

改右散騎常侍二年而為尚書左丞曾祖諱務本滄州

東光令祖諱如珪海州司戶參軍贈尚書工部郎中皇

考諱岑父秘書省著作佐郎贈尚書左僕射公夫人京

兆韋氏父种大理評事有四子長曰溫質四門博士遵

孺遵憲遵裕

史作溫裕

皆明經女子長嫁中書舍人平陽路

隋祝曰隋後官至宰相唐史有傳其季者幼公之昆弟五人載戡戢戡

樊曰以世系表考之岑父生載戡戡戡戡威戡給事中

生溫質溫孺溫憲溫裕戡昭義節度判官載庫部員外

郎以傳考之溫裕仕為天平節度使戡京兆尹與表不

同誌謂戡兄弟五人而表又有威誌云遵孺遵憲遵裕

傳云遵孺溫裕表又悉以

公於次為第二公之薨戡自

遵為溫當考○戰音衙

湖南入為少府監

孫曰長慶元年正月戡自湖南觀察入為少府監

其年八月

甲申戡與公子塋公于河南河陰廣武原

祝曰河陰縣名屬河南

先

公僕射墓之左銘曰

孔世三十八

韓曰一本云孔世卅八卅蘇合切說文作卅俗作卅又一本云孔子世三十八

前之說則省字後之說則加字皆非文意孔世三十八於理自暢拘字之偶非古也

吾見其孫白

而長身

一作白

寡突與言其尚類也

一作耶

莫與之倫

祝曰倫比

也一本作莫之與倫左傳所謂莫之與京也

德則多有請考于文

唐故江南西道觀察使中大夫洪州刺史兼御

# 史中丞贈左散騎常侍太原王公墓誌銘

補注邵氏閑見錄曰孔子作經使後世讀易者如無春秋讀書者如無詩其法固不知也獨韓退之作王仲舒碑文作誌蘇子瞻作司馬君實行狀又作碑其事同其詞各異庶幾知之矣碑見三十一卷○一本無

中大洪州刺史兼御史中丞

## 公諱仲舒字弘中

孫曰井州新人

## 少孤奉其母居江南游學有

## 名

孫曰仲舒少客江南與梁肅楊憑游有文稱

## 貞元十年

嚴曰按王弘中碑云貞元初策拜左

拾遺與陽城合追裴延齡不符為相墓誌則曰貞元十年以賢良方正拜左拾遺按陸贄之貶在十一年春而陽城傳云裴延齡譏毀陸贄等坐貶黜城率拾遺王仲舒數人守延英上疏則墓誌云十年是矣

## 以賢

良方正拜左拾遺改右補闕禮部考功吏部三員外郎  
貶連州司戶參軍改夔州司馬佐江陵使改祠部員外  
郎復除吏部員外遷職方郎中知制誥出為硤州刺史  
遷廬州未至丁母憂服缺改婺州蘇州刺史

改一作除

徵拜

中書舍人既至謂人曰吾老不樂與少年治文書

樂一作宜

得一道有地六七郡為之三年貧可富亂可治身安功

立無愧於國家可也日日語人丞相間問語驗即除江

南西道觀察使兼御史中丞

仲舒履歷事跡並見三十一卷碑注

至則奏

罷擢酒錢九十萬

十或作十

以其利丐貧民

丐一作興

又罷軍吏

官債五千萬悉焚簿文書

一無文字

又出庫錢二千萬以丐

貧民遭旱不能供稅者禁浮屠

禁一作學

及老子為僧道士

不得於吾界內因出野

出一作山

去浮屠老子象

去一作立

以其

誑丐漁利奪經人之產

經一作編

在官四年數其蓄積錢餘

於庫米餘於廩朝廷選公卿於外將徵以為左丞吏部

已用薛尚書代之矣

孫曰長慶三年十一月以尚書左丞薛放代仲舒鎮江西

長慶

三年十一月十七日未命而薨年六十二天子為之罷

朝贈左散騎常侍遠近相弔以四年二月某日葬于河

南某縣先塋之側公之為拾遺朝退天子謂宰相曰第

幾人非王某邪是時公方與陽城更疏論裴延齡詐妄

士大夫重之為考功吏部郎也下莫敢有欺犯之者非

其人雖與同列未嘗比數收拾故遭讒而貶及知制誥

知一  
作在

盡力直友人之屈

樊曰友人蓋楊憑憑尹京兆日  
御史中丞李夷簡劾憑江西姦

賊貶臨賀尉云  
○屈一作寃

不以權臣為意又被讒而出元和初發

州大旱人餓死戶口亡十七八

一無  
口字

公居五年

一無  
公字

完



富如初按劾羣吏奏其贓罪州部清整加賜金紫其在  
蘇州治稱第一公所至輒先求人利害廢置所宜閉閤

草奏又具為科條與人吏約事備悉一旦張下民無不

抃叫喜悅或初若小煩旬歲皆稱其便公所為文章無

世俗氣其所樹立殆不可學曾祖一有諱字玄暕音簡比部員

外郎祖諱景肅丹陽太守考諱某一作襄鄧等州防禦

使鄂州採訪使贈工部尚書工一作吏公先妣渤海李氏贈

渤海郡太君公娶其舅女有子男七人初哲貞弘泰復

洄初進士及第哲文學俱善其餘幼也長女壻劉仁師

高陵令

孫曰仁師字行興彭城人武德名臣刑部尚書德威之五世孫大厯中詩人商之猶子劉禹錫

嘗為仁師撰

次女壻李行修

孫曰元和四年行修登第○一作行循

尚書

高陵遺愛碑

刑部員外郎銘曰

氣銳而堅

一作大

又剛以嚴

又一作義

哲人之常

哲一作若

愛人盡

已不倦以止

止一作正

乃吏之方與其友處順若婦女何德

之光墓之有石我最其迹

最一作撮

萬世之藏

唐故殿中少監馬君墓誌

此篇後闕

君諱繼祖

樊曰繼祖始生德宗賜名退而笑曰是有二義謂之索繫組事見國史補

司徒贈

太師北平莊武王之孫

補注王名燧字洵美

少府監贈太子少傅

諱暢之子

樊曰燧二子彙暢暢娶盧氏生二子長放次繼祖集注按傳燧贈太傅此云贈太師暢贈

工部尚書公元和九年為其夫人作墓誌亦云贈工部尚書此云贈太子少傅豈其後累贈至此耶

生四

歲以門功拜太子舍人積三十四年五轉而至殿中少

監年三十七以卒有男八人女二人始余初冠

孫曰貞元三年

公年二十應進士舉在京師窮不能自存以故人稚弟

樊曰貞元

三年平涼之盟馬燧預議韓弁時以殿中侍御史為判官死焉其年罷兵燧奉朝請京師弁公之兄也

拜

北平王於馬前王問而憐之因得見於安邑里第王軫

其寒飢

補注軫悼閔也

賜食與衣

祝曰表記君子問人之寒則衣之問人之飢則食之○食

音嗣衣去聲

召二子使為之主其季遇我特厚少府監贈太

子少傅者也姆抱幼子立側

祝曰姆女師也儀禮姆纓笄宵衣在其右注姆婦人

年五十無子出而不復嫁能以婦道教人者若今時乳母矣○姆莫捕切又莫豆切

眉眼如畫髮

漆黑肌肉玉雪可憐

洪曰可憐舊作可念按妬記云王丞相夫人於青疎臺中觀有兩三兒騎

羊皆端正可念黃魯直亦嘗用玉雪可念語

殿中君也當是時見王於北亭

猶高山深林

一有鉅谷二字

龍虎變化不測傑魁人也

補注謂莊武王

燧燧身長六尺二寸

退見少傅翠竹碧梧鸞鵠停峙

孫曰謂猶鸞鵠停於竹梧

之能守其業者也

補注少傅暢

幼子娟好靜秀瑤環瑜珥蘭

茁其芽

祝曰茁草初生貌詩彼茁者葭○茁鄒滑切又側劣切

稱其家兒也後四

五年吾成進士

樊曰公貞元八年登第

去而東游哭北平王於客舍

樊曰十一年五月公東歸河陽八月燧卒

後十五六年吾為尚書都官郎分

司東都而少傅卒哭之

樊曰元和五年暢卒自貞元十一年至是凡十六年○而下一

有分府二字

又十餘年至今哭少監焉

孫曰長慶初繼祖卒

嗚呼吾未

耄老自始至今未四十年而哭其祖子孫三世于人世

何如也人欲久不死而觀居此世者何也

耶一作

五百家註昌黎文集卷三十三

欽定四庫全書薈要卷一萬三千八百十八

集部

五百家註昌黎文集卷三十四 宋 魏仲舉 編

墓誌銘

南陽樊紹述墓誌銘

樊曰紹述卒且葬誌皆無年月或法不必載也按紹述作絳守居園池記乃長慶三年五月十七日而公卒以四年十二月則疑在長慶三四年間○補注後山詩話歐陽謂退之為樊宗師墓誌便似樊文其始出於司馬子長為長卿傳如其文惟其過之故兼之也

樊紹述既卒且葬

孫曰紹述河中人

愈將銘之從其家求書

從一



促得書號魁紀公者三十卷曰樊子者一無又三十卷者字

春秋集傳十五卷表牋狀策書序傳記紀誌說論今文

讚銘一無紀字凡二百九十一篇道路所遇及器物門里雜

銘二百二十賦十詩七百又十九樊曰今以藝文志考之皆有其目獨銘賦

詩亡焉所謂表牋狀策等文凡二百九十一篇曰樊宗師集二百九十一卷數同而以卷為篇疑誌之字誤也

一本又字作一曰多矣哉古未嘗有也然而必出於已不蹈

襲前人一言一句又何其難也洪曰國史補云元和之後文筆則學奇於韓愈

學溢於樊宗師退之作樊墓誌稱其為文不剽襲觀絳守居園池記誠然亦太奇溢矣本朝王晟劉忱皆為之

注解如瑤翻碧漱鬼眼傾耳等語皆前人所未道也補  
注歐陽公跋絳守居園池記云元和文章之盛極矣其  
奇怪至於如此又詩曰嘗聞紹述絳守居偶來登覽周  
四隅異哉樊子怪可吁心欲獨去無古初窮荒探幽入  
無有一語詰曲百盤紆孰云已出  
必出入仁義其富若  
不剽襲句斷欲學盤庚書云云

生蓄萬物必具海含地負

負載也

放恣縱橫

縱子容切

無所統

紀然而不煩於繩削而自合嗚呼紹述於斯術其可謂

至於斯極者矣生而其家富貴長而不有其藏一錢妻

子告不足顧且笑曰我道益是也

孫曰言益如是也

皆應曰然

無不意滿嘗以金部郎中告哀南方

樊曰元和十五年正月憲宗崩宗師

以金部郎中還言某帥不治罷之以此出為綿州刺史

告哀南方一無一年徵拜左司郎中又出刺絳州綿絳之人至今

皆曰於我有德以為諫議大夫命且下一作命遂病以

卒一作遂年若干紹述諱宗師父諱澤孫曰澤嘗帥襄

陽江陵官至右僕射贈某官孫曰興元元年正月樊澤

二年閏五月徙鎮荆南八年二月自荆南復為山南東

道節度使十二年加檢校右僕射十四年九月卒于鎮

皆以軍謀堪將帥策上第以進孫曰開元中泳舉草澤

祖某官諱泳樊曰泳試大理評自祖及紹述三世

皆以軍謀堪將帥策上第以進科建中元年澤舉賢良

方正直言極諫科元和三年四月  
宗師舉軍謀宏遠堪任將帥科

紹述無所不學於辭

於聲

補注聲樂也下  
言觀樂是已

天得也

一作天  
地得也

在衆若無能者嘗

與觀樂問曰何如曰

一有  
某字

後當然已而果然銘曰

惟古於詞必已出降而不能乃剽賊

賊一作  
脫

後皆指前公

相襲

孫曰公  
然相襲

後漢迄今用一律寥寥久哉莫覺屬神祖

聖伏道絕塞

祝曰祖  
往也

既極乃通發紹述文從字順各識

職有欲求之此其躅

故中大夫陝府左司馬李公墓誌銘

公諱邠

薄經反

字某邠王會之後

孫曰會當作繪太祖景皇帝之第五子也為隋

夏州總管

邠於宋反

王孫道明唐初以屬封淮陽王又追王其

祖父

追王之王字音狂

曰邠王長平王

孫曰繪子贄贄子道玄武德元年六月封道玄

淮陽王追封繪曰

淮陽生景融

孫曰五年十月道玄與黑闥戰於下博道玄戰

邠贄為河南王

沒無嗣以其弟道明嗣為淮陽王終鄆州刺史

景融親

生景融。一本作長平生淮陽王淮陽王生景融

益踈不王生務該務該生思一思一生岌

魚反切

比四世

官不過縣令州佐然益讀書為行為士大夫家岌為蜀

州晉原尉生公未晬以卒

祝曰子生一歲曰晬說文周年也。晬祖對切

無家

母抱置之姑氏以去姑憐而食之

食音

至五六歲

孫曰

實八  
年生

自問知本末因不復與羣兒戲常默默獨處曰吾

獨無父母不力學問自立不名為人年十四五

一無  
年字能

閣記論語尚書毛詩左氏文選凡百餘萬言凜然殊異

姑氏子弟莫敢為嬌

一作  
敵

浸傳之聞諸父

一作浸傳  
聞之諸父

諸

父泣曰吾兄尚有子邪迎歸而坐問之應對橫從無難

從音

諸父悲喜顧語羣子弟曰

語一  
作謂

為汝得師

一作吾為  
汝得師

於是縱學無不觀以朝邑負外尉選

孫曰選謂  
選於吏部

魯公真

卿

樊曰魯郡顏真卿為吏部侍郎

第其所試文為上等

孫曰試書判拔萃為上等

擢

為同官正尉曰文如李尉乃可望此其後比以書判拔

萃選為萬年尉為華州錄事參軍爭事於刺史去官為

陸渾令河南尹鄭餘慶薦之朝

孫曰元和十年十月鄭餘慶為河南尹

拜

南鄭令

補注南鄭興元屬縣疑此處有脫誤

尹家奴以書抵縣請事公走

府出其書投之尹前尹慙其庭中人曰令辱我令辱我

一無上三字

且曰令退遂怨之拾掇三年無所得拜宗正丞

宰相以文理白為賓州刺史公喜曰吾將有為也讒宰相者

言之上曰是與其故故得用改拜陝州左司馬

孫曰陝  
龍節度

使衛中行  
辟佐其府

公又喜曰是官無所職吾其不以吏事受責

死矣長慶元年某月丙辰

俗本無  
某月字

以疾卒春秋七十三公

內外行完潔白奮厲再成有家士大夫談之夫人博陵

崔氏朝邑令友之之女其曾伯父玄暉有功中宗時

樊曰

長慶四年六月玄暉為鳳閣侍郎同平章事神龍元年  
正月率羽林兵誅張易之昌宗迎太子監國是為中宗

夫人高明遇子婦有節法進見侍側肅如也七男三女

邠為澄城主簿其嫡激鄜城令放芮城尉漢監察御史



樊曰漢字南紀元和七年進士

漚洸潘

集注漚字經野洸字正武潘字

時為監察御史終於宗正少卿

子及。漚音

樊曰舊史漢弟漚洸潘皆登進士第潘大中初為禮部侍郎

及

公之存内外孫十有五人五月庚申葬華陰縣東若干

里漢韓氏壻也

補注漢即公壻

故予與為銘其詞曰

愈下而微既極復飛其自公始公多孫子將復其祀

其一

廟作

故幽州節度判官贈給事中清河張君墓誌銘

樊曰張徹為范陽府監察御史其帥張弘靖也誌不出弘靖姓名但書曰帥諱之焉耳

張君名徹字某以進士

祝曰徹中進士第在元和四年

累官至范陽府

監察御史長慶元年今牛宰相為御史中丞

祝曰元和十五年十

二月牛僧孺為御史中丞

奏君名迹中御史選詔即以為御史其府

惜不敢留遣之而密奏幽州將父子繼續不廷選且久

今新收臣又始至

孫曰長慶元年二月幽州節度使劉總請去位三月以總為太平軍節度

使以宣武軍節度使張弘靖為幽州節度使代總

孤怯須強佐乃濟發半道有

詔以君還之乃遷殿中侍御史加賜朱衣銀魚至數日

軍亂怨其府從事盡殺之而囚其帥且相約張御史長

者毋侮辱轢感我事

轢音歷

無罪無庸殺置之帥所居

樊曰

長慶元年七月幽州軍亂因節度使張弘靖於薊門館殺判官韋雍張宗元崔仲卿鄭垣都虞候劉操押牙張抱元等取朱滔子洄為留後以月餘聞有中貴人自京

徹長者不殺置之於薊門館

師至君謂其帥公無負此土人上使至可因請見自辯

幸得脫免歸即推門求出守者以告其魁魁與其徒皆

駭曰必張御史御史忠義必為其帥告此餘人不如遷

之別館即與衆出君

與一作以

君出門罵衆曰汝何敢反前

日吳元濟斬東市昨日李師道斬於軍中

孫曰元和十二年十一月

元濟斬於獨柳樹十四年二月  
師道為其兵馬使劉悟所殺

同惡者父母妻子皆屠

死肉餒狗鼠鵠鵠

樊曰新史書微事大抵出公此誌其所書罵賊語凡削六字改一字筆削

固史氏事然而改餒為飽則不若公語且有來處此前漢陳餘所謂以肉餒虎也

汝何敢反汝何

敢反行且罵衆畏惡其言不忍聞且虞生變即擊君以

死君抵死口不絕罵衆皆曰義士義士或收瘞之以俟

事聞天子壯之贈給事中其友侯雲長佐郾使請於其

帥馬僕射

補注郾曹濮節度使馬總也

為之選於軍中得故與君相

知張恭李元實者使以幣請之范陽范陽人義而歸之

以聞詔所在給船輦

音預

傳歸其家賜錢物以葬長慶四

年

一作三年

四月某日其妻子以君之喪葬於某州某所君

弟復亦進士

孫曰元和元年復中進士

佐汴宋得疾變易喪心驚惑

不常君得間即自視衣褥薄厚節時其飲食而七筋進養

之一無禁其家無敢高語出聲醫餌之藥其物多空青

養字

雄黃

嚴曰空青山出銅處銅精薰則生空青腹中空如楊梅者勝雄黃土武都山坳方數寸明徹如雞冠

者佳諸竒怪物劑錢至十數萬營治勤劇皆自君手不假

之人家貧妻子常有饑色祖踐某官父休某官妻韓氏

禮部郎中某之孫

祝曰雲卿之孫

汴州開封尉某之女

祝曰俞之女

於余為叔父孫女君常從余學選於諸生而嫁與之孝

順祇修羣女效其所為男若干人曰某女子曰某銘曰

嗚呼徹也世暮顧以行子揭揭也

揭音

噓音以為生

噓一

結切暗於金切

子獨割也為彼不清作玉雪也仁義以為兵用

不折缺也知死不失名得猛厲也

厲嚴也。協韻音烈。

自申於

闇明莫之奪也我銘以貞之不肖者之旦也

旦相呵也。旦音恒。

故河南府法曹參軍盧君夫人墓誌銘

補注公室盧氏之  
母夫人苗氏也

夫人姓苗氏諱某字某上黨人

孫曰上黨  
長子縣人

曾大父襲夔

贈禮部尚書大父殆庶贈太子太師

樊曰以宰相世系  
考之襲夔生殆庶

延嗣殆庶生如蘭晉卿襲夔殆庶  
所贈官疑晉卿仕至宰相而贈也

父如蘭仕至太子司

議郎汝州別駕

樊曰此云別駕而表云永王  
府諮議參軍當以此為正

夫人年若

千嫁法曹盧府君

一作嫁范陽盧府君  
下再有府君二字

諱貽有文章德

行其族

言盧氏  
之族

世所謂甲乙者卒先夫人夫人生能配

其賢歿能守其法男二人於陵渾女三人皆嫁為士妻

韓曰夫人長女壻河南緱氏主簿唐充次亡公其季女壻也

貞元十九年四月四日

卒於東都敦化里年六十有九其年七月某日

七月一作八月

祔於法曹府君墓在洛陽龍門山其季女壻昌黎韓愈

為其誌銘

其一作之

其詞曰

赫赫苗宗族茂位尊或毗於王或貳於藩是生夫人

一是

作厥載穆令聞爰初在家孝友惠純享乃于行

一作乃及于行

克

媿德門

媿匹諸切克一作光

肅其禮容

一作為禮一作禮懼

裕其為仁法曹

之終諸子實幼煢煢其哀介介其守循道不違厥聲彌



劭

一作既克其家厥聞愈劭

三女有從二男知教閭里歎息母婦思

儼歲時之嘉嫁者來寧累累外孫

累力逆切一本作累累

有攜有

嬰扶牀坐膝嬉戲謹爭既壽而康既備而成不歎于約不  
矜于盈伊昔淑哲或圖或書嗟咨夫人孰與為儔刻銘

寘墓

寘一作誌

以贊碩休

故貝州司法參軍李君墓誌銘

韓曰參軍李翱習之之祖習之嘗自為其皇  
祖實錄其行治皆如誌所書翱之實錄終曰  
先祖有美而不知不明也知而不傳不仁也  
翱欲傳懼文章不足以稱頌道德光耀來世

是以頓首欲假辭於執事者亦惟不斥其愚而為之傳焉意翺乞公銘之辭也

貞元十七年九月丁卯隴西李翱合葬其皇祖考貝

州司法參軍楚金皇祖妣清河崔氏夫人

孫曰夫人父球充鄆

懷三州刺史

于汴州開封縣某里昌黎韓愈紀其世著其

德行以識其葬其世曰由涼武昭王六世至司空

孫曰

涼武昭王名嵩字玄感晉安帝時自稱西涼公在位十七年子翻字士舉位車騎將軍祁連酒泉晉昌太守翻子寶字懷素鎮北將軍寶子冲字思順後魏後文時封清淵縣侯卒贈司空冲嵩曾孫也今云六世誤矣○涼一作梁者非是司空之後二世為刺史清淵侯

孫曰冲子延實

字禧都督青州刺史延實子彬字子儒襲祖由侯至  
爵清淵縣侯卒贈齊州刺史子桃枝襲封

于貝州凡六世

孫曰桃枝玄孫詔諮議參軍詔子楚金○一作五世

其德行曰

事其兄如事其父其行不敢有出焉

孫曰楚金伯兄惟慎楚金事之

如父在每事必請惟慎曰汝年亦長矣每事必擾我何為楚金曰不請非不能為此也不滿乎人心其請

如初見

其夫人事其姒如事其姑

孫曰姒惟慎之妻鄭也○一作姊非

其於家不敢自專焉其在貝州其刺史不悅於民

一悅

作慈嚴曰李習之皇祖實錄云刺史嚴正晦

將去官民相率謹譁手瓦石

一有胥其出擊之

一本胥作需無其字

刺史匿不敢出州縣吏

由別駕已下不敢禁司法君奮曰是何敢爾屬小吏百餘人持兵杖以出立木而署之曰刺史出民有敢觀者殺之木下民間皆驚相告散去

樊曰實錄貝州刺史嚴正晦黜官百姓舊不樂

其政特俟其出斃之以瓦石錄事參軍乃如之楚金於是集小吏百餘人皆持兵无兵者皆持朴理長木道中令曰使君出後百如敢有出觀杖殺大木下及正晦出百姓莫敢動

刺史至加禮擢任貝州由是大理

樊曰後刺史至委政是金姦吏皆務情告

貝州於是大治

其葬曰翱既遷貝州君之喪于貝州

于貝州一本無貝字

一本無州字

殯于開封遂遷夫人之喪于楚州八月辛亥至

于開封壙于丁巳

補注說文云壙塋穴

墳于九月辛酉窆于丁卯

補注說文窆葬下棺也周禮反窆執斧是也○窆彼驗切

人謂李氏世家也侯之後五

世仕不遂

一無五字○一作仕不遷遂

蘊必發其起而大乎四十年

而其兄之子衡

孫曰惟慎子五人衡其第二子也貞元七年自常州刺史鎮湖南八年徙鎮江

西召為給事中

始至戶部侍郎君之子四人官又卑翱其孫也

有道而甚文固于是乎在

樊曰甚文字出左傳楚子西曰光又甚文觀翱實錄亦

可見其甚文矣魯直詩云習之實錄葬皇祖斯文如女有正色云云○一本無固字

# 處士盧君墓誌銘

韓曰公前銘盧君夫人此又銘其子於陵

處士

一本有盧君字

諱於陵其先范陽人父貽為河南法曹叅

軍河南尹與人有仇誣仇與賊通收掠取服法曹曰我官司也我在不可以為是廷爭之以死河南怒命牽捽之

祝曰捽擊也○捽昨莫切

法曹爭尤彊遂并收法曹竟奏殺仇籍

其家而釋法曹法曹出徑歸臥家念河南勢弗可敗氣憤弗食歐血卒東都人至今猶道之處士少而孤母夫

人憐之

孫曰貽娶苗氏太師晉卿兄如蘭之女有子二人於陵渾女三人長嫁唐充幼適公

讀書

學文皆不待彊教卒以自立在母夫人側油油翼翼不

忍去時歲母夫人既終

孫曰貞元十九年四月四日苗氏卒年六十九

育幼弟

與歸宗之妹經營勤甚未暇進仕也年三十有六元和

二年五月壬辰以疾卒有男十歲曰義女九歲曰孟有

女生處士卒後未名於其年九月乙酉其弟渾以家有

無葬以車一乘

一作十

於龍門山先人兆愈於處士妹壻

也為其誌且銘其後曰

貴兮富兮如其材得何數兮名兮壽兮如其人豈無有

兮彼皆逢其臧子獨迎其凶茲命也耶茲命也耶

故太學博士李君墓誌

太學博士頓丘李干

一本作于下同

余兄孫壻也年四十八

孫曰

于大歷元年生

長慶三年正月五日卒其月二十六日穿其妻

墓而合葬之在某縣某地子三人皆幼初干以進士

樊曰

元和十年干中進士第年四十

為鄂岳從事

樊曰十一年李道古為鄂岳觀察使辟干為從事

遇方士柳賁

一作泌

從受藥法服之徃徃下血比四年病

益急乃死其法以鉛滿一鼎

孫曰說文鉛青金也一曰錫之類

按中為



空按字上一有以物二字實以水銀蓋封四際燒為丹沙云余不

知服食說自何世起殺人不可計而世慕向之益至此

其惑也在文書所記及耳聞傳者耳聞一作耳相聞不說今直

取目見親與之游而以藥敗者六七公以為世誠工部

尚書歸登孫曰登字冲之元和十四年六月為工部尚書殿中御史李虛中補注

虛中字刑部尚書李遜孫曰遜字友道長慶三年正月拜刑部尚書遜弟刑

部侍郎建補注建字均直襄陽節度使工部尚書孟簡孫曰簡字幾道

元和十三年五月為山南東道節度使加工部尚書東川節度御史大夫盧坦孫曰

坦字保衡元和八年五月除東川節度使兼御史大夫

金吾將軍李道古此其人

皆有名位世所共識工部既食水銀得病自說若有燒

鐵杖自顛貫其下者摧而為火射竅節以出狂痛號呼

乞絕其裯席得水銀

一作其茵席嘗得水銀

發且止唾血十數年

以斃

孫曰元和十五年六月登卒

殿中疽發其背死

孫曰元和八年六月虛中卒

刑部且死謂余曰我為藥誤

孫曰長慶六年正月遷卒

其季建一旦

無病死

孫曰長慶元年二月建卒

襄陽黜為吉州司馬

孫曰元和十五年三月簡

貶吉州司馬

余自袁州還京師

樊曰是歲九月公自袁召還為國子祭酒

襄陽乘

舸邀我於蕭洲屏人曰我得秘藥不可獨不死今遺子

一器可用棗肉為丸服之別一年而病有家人至

一作有其

家人至訊之曰前所服之藥誤方且下之下則平矣病二

歲竟卒

孫曰長慶三年十二月簡卒

盧大夫死時溺出血肉痛不可

忍乞死及金吾以柳賁得罪食賁藥五十死海上

樊曰道古

因皇甫鑄薦柳賁于憲宗賁治丹劑憲宗服之遽棄萬  
國穆宗即位以賁付京兆府決死道古貶循州司馬元  
和十年九月亦此可以為誠者也

嚴曰后山詩語云退之為李干誌敘當世

名貴服金石藥欲生而死者數輩著之石藏之地下此  
時為一世誠耶而竟藥死故白傅云退之服礪黃一病

竟不痊是也

斬不死乃速得死謂之智可不可也五穀三牲

補注下文云  
豚魚雞是也

鹽醯果蔬人所常御人相厚勉必曰強食

今惑者皆曰五穀令人夭不能無食當務減節鹽醯以

濟百味豚魚雞三者古以養老反曰是皆殺人不可食

一筵之饌禁忌十常不食二三不信常道而務鬼怪臨

死乃悔後之好者又曰彼死者皆不得其道也我則不

然始病曰藥動故病病去藥行乃不死矣及且死又悔

嗚呼可哀也已可哀也已

補注孔毅夫雜說云張籍哭退  
之詩云為出二侍女合彈琵琶

箏白樂天思舊詩云退之服硫黃一病竟不痊退之嘗  
譏人不解文字飲而自敗於女妓乎作李博士墓誌戒  
人服金石藥而自餌硫黃耶又后山嗟哉行亦云  
韓子作誌還自屠白笑未竟人復吁正謂此耳

五百家註昌黎文集卷三十四

謹案卷三十二第五頁前二行注陰為逗橈之計  
刊本橈訛遠據唐書改

第六頁後五行注使日月至既不可得刊本至既  
訛既至係沿舉正之訛據考異改

第七頁前四行注立牙將李齊為留後刊本齊訛  
界據唐書改

第七頁後五行命正我字刊本正訛王據東雅堂  
及天德堂本改

第十四頁前七行以先朝時刊本脫時字據天德堂本及文義增

第二十頁前四行注奏戎為團練副使刊本戎記冕據文義改

卷三十三第五頁前三行注河南尹鄭餘慶刊本缺鄭字據唐書補

第十一頁後六行注岑父生載戮戡戡戰威刊本岑記巢據唐書改

第十五頁後四行此云贈太子少傅刊本少訛太  
據唐書及誌文改

第十六頁前六行注王丞相夫人於青疎臺中刊  
本脫夫人二字據世說注增

卷三十四第六頁前二行長慶元年刊本元訛二  
據唐書及考異改


第七頁後四行節時其飲食刊本脫時字據文章  
正宗增



第九頁後一行厥聲彌劬注厥聞愈劬刊本劬並  
訛邵據天德堂本及字書改

第十一頁前七行其葬曰刊本曰訛日由上文既  
以世為詞故此必以曰作日以曲証其文之不  
分應也據考異及舉正改

第十一頁後二行侯之後刊本脫後字據天德堂  
本增



總校官庶吉士

臣侍

朝

校對官庶吉士

臣陳文樞

樞

膳錄舉人

臣呂燕昭

昭

膳錄監生

臣竺昌基

基

欽定四庫全書薈要

集部

五百家註昌黎文集卷三十

五至  
八

詳校官助教臣常循



欽定四庫全書薈要卷一萬三千八百十九

集部

五百家註昌黎文集卷三十五 宋 魏仲舉 編

墓誌銘

盧渾墓誌銘

韓曰渾河南法曹叅軍第二子  
而公妻弟也然有銘無誌焉

前汝父母右汝弟兄

一作後有弟兄

汝從之居視汝如生汝遷

於居兮日月之良汝居孔固兮後無有殃如不信兮視

此銘章

號州司戶韓府君墓誌銘

注詳本篇

安定桓王五世孫叡素為桂州刺史

嚴曰新史云弓高侯類當裔孫尋

後漢隴西太守世居潁川生司空稜其後徙安定武安至後魏有常山太守武安成侯耆徙居九門生茂尚書令征南大將軍安定桓王二子簡均均生駿駿生仁泰仁泰生叡素樊曰唐史世系表及李太白武昌宰韓君去思碑並云叡素桂州長史皇甫持正誌公墓及神道碑明同而此云刺史其字誤矣

化行南方

有子四人最季曰紳卿文而能官嘗為揚州錄事參軍

集注桂州四子仲卿少卿雲卿紳卿也李太白碑亦言桂州君四子名諱長少皆與此誌合獨世系表云桂州君七子無少卿而有晉卿季卿子卿升卿表以晉卿為長而碑以仲卿為元子表作升卿最季而誌作紳卿誌

人云嘗為揚州錄事參軍而表云京兆府司錄參軍公仲卿之子而紳卿姪也寧有叙其家世而故誤耶當以

誌為

正 事故宰相崔圓

孫曰上元元年二月以崔圓為揚州大都督府長史淮南節度使

圓狎愛州民丁某至顧省其家後大衙會日司錄君趨以前大言曰請舉公過公與小民狎至其家害於政圓驚謝曰錄事言是圓實過乃自署罰五十萬錢由是遷涇陽令破豪家水碾奴箭切利民田頃凡百萬君諱岌桂州君之孫司錄君之子亦以能官名少而奇壯而強老而通以元和元年六月十四日卒年五十七娶京兆田

氏男曰家女曰都皆幼初君樂號之土田山水求掾其  
州去官猶家之既卒因以其年九月某日葬於州北十  
里崔長史墓西銘曰

凡兆于茲唯其家之材蓋歸有時

洪曰疑有闕文

四門博士周况妻韓氏墓誌銘

韓曰此誌及張徹誌皆以韓俞為  
開封尉唐宰相表以為令史誤也

四門博士周况妻韓氏諱好好尚書禮部郎中諱雲卿  
之孫開封尉諱俞之女俞妻趙氏生二女

樊曰二女長  
即况妻次嫁

張

三男

樊曰三男無競啓  
餘州來並世系表

開封卓越豪縱不治資業喜

酒色狗馬趙氏卒十一年而開封亦卒開封從父弟愈

孫曰公父仲卿即雲卿  
之兄也○一本無弟字

於時為博士乞分教東都生以

收其孥於開封界中教畜之而歸其長女於周氏况

樊曰

元和元年况中進士第  
是歲公以好好遣况

况進士家世儒者曾祖諱延潭

州長沙令祖諱晦常州參軍父諱良甫左驍衛兵曹參

軍况立名行人士譽之韓氏嫁九年生一男一女年二

十七以疾卒

孫曰貞元六年好好生至是  
元和十一年卒年二十七

葬長安城南



鳳栖原其從父愈

一作其從父弟愈

於時為中書舍人

孫曰是歲正月

公為中書舍人五月降為右庶子

為銘曰

夫喪少婦子失壯母歸咎無處

### 韓滂墓誌銘

樊曰世系表老成二子湘大理丞滂寶雞丞按此誌云滂年十九死蓋未嘗仕也表復誤矣

滂韓氏子其先仕魏號安定桓王

孫曰王名茂滂九世祖也

滂父老

成

孫曰老成公凡介之子

厚謹以文為韓氏良子弟未仕而死有

二子

祝曰湘滂

滂其季也其祖諱介為人孝友一命率府軍

佐以卒二子百川老成為伯父起居舍人後

祝曰舍人

名會起居有德行言詞為世軌式

軌一作範

滂既兄弟二人而

率府長子百川死無嗣其叔祖愈命滂歸後其祖滂清

明遜悌以敏讀書作文

作一作倍

功力兼人為文詞一旦奇

偉驟長不類舊常吾曰爾得無假人耶退大喜謂其兄

湘曰某違翁且踰年懼無以為見今翁言乃然可以為

賀羣輩來見皆曰滂之大進不唯於文詞於為人亦然

既數月

一作日

得疾以卒年十九矣

孫曰滂貞元十八年生

吾與妻

孫曰公妻高平君盧氏

哭之傷心三日而斂既斂七日權葬宜春郭南

里

孫曰宜春袁州滂從公量移袁州刺史

元和十五年卒○一本作郭南一里

也已銘曰

天固生之耶

一作天固生耶  
一作天生之耶

偶自生耶天殺之耶其偶

自死耶莫不歸於死壽何少多銘以送汝其悲奈何

### 女孥壙銘

韓曰公貶潮州孥道死商南層峯驛瘞之山下至是尹京兆乃發其喪歸葬于河陽世墓之次

女孥

音如又  
女如切

韓愈退之第四女也惠而早死愈之為少

秋官

孫曰元和十二年十月公為刑部侍郎

言佛夷鬼其法亂治梁武事

之卒有侯景之敗可一掃刮絕去不宜使爛漫天子謂

其言不祥斥之潮州漢南海揭陽之地

孫曰十四年正月公上佛骨表坐貶

潮州其地在漢南海之揭陽

愈既行有司以罪人家不可畱京師迫

遣之女孥年十二在病

一作病在席

既驚痛與其父訣又與

致

又一作父

走道撼顛失食飲節死于商南層峯驛即瘞道

南山下五年愈為京兆

孫曰長慶三年六月公為京兆尹

始令子弟與

其姆易棺衾歸女孥之骨於河南之河陽韓氏墓而葬

之女拏死當元和之十四年二月二日其發而歸在長慶三年十月之四日其葬在十一月之十一日銘曰

汝宗葬于是

孫曰韓氏之先皆葬河陽

汝安歸之惟永寧

河南緱氏主簿唐充妻盧氏墓誌銘

夫人盧氏諱某蘭陵太守景柔八世孫

孫曰景柔為蘭陵太守南州刺

史景柔

子元幹

父貽卒河南法曹法曹娶上黨苗氏太師晉卿

兄女

孫曰晉卿兄如蘭之女詳見苗夫人誌

生三女三男夫人最長法曹

卒苗夫人嫁之唐氏充充明經宰相休憬曾姪孫

孫曰長慶

三年七月以休憬同平章事四年八月罷神龍元年四月復相二年三月罷景龍三年十二月復相景雲元年

七月復罷

出郗氏外王父昂中書舍人夫人年若干嫁唐氏

凡生男與女九人年四十二元和四年正月二十二日卒其年四月十五日葬河南府河南縣之大石山下銘

曰

夫人本宗世族之後率其先猷令德是茂爰歸得家

爰一作

作奚歸一作其

九子一母婉婉有儀柔靜以和命不侔身茲其

奈何刻銘墓石以告觀者

# 乳母墓銘

樊曰唐志義服有為乳母報者其服  
總麻韓曰葬乳母且為之銘自公始

乳母李氏徐州人號正真為韓氏家乳其兒愈

為于  
偽切愈

生未再周月孤失怙恃

孫曰大歷三年公生五年而公  
父仲卿卒此云未再周月孤失

怙恃未詳嚴曰退之祭嫂鄭夫人云我生不辰三歲而  
孤此言未再周月孤失怙恃是雖入三歲而未及兩周

也李氏憐不忍棄去視保益謹遂老韓氏及見其所乳

兒愈舉進士第

韓曰公第在  
貞元八年

歷佐汴徐軍入朝為御史

國子博士尚書都官員外郎河南令娶婦生二男五女

時節受慶賀愈輒率婦孫列拜進壽年六十四元和六年三月十八日病卒三日葬河南縣北十五里愈率婦孫視窆封

祝曰窆下棺也  
○窆彼驗切

且刻其語于石

語一作誌

納諸墓

為銘

一有矣字





五百家註昌黎文集卷三十五